



Falta di tarifa actualisa pa taxista ta crea confusion entre turistanan



Pagina 4

- **Camara di seguridad a graba persona cu lo a drenta cas pa horta**

Pagina 2

- **Partido HTC ta enfoca riba proyecto di parke di atraccion pa San Nicolas crece**

Pagina 3

- **Presidente di Parlamento preparando pa yama reunion publico**


Pagina 21

Gerlien Croes ta lansa oficialmente su partido Futuro



Pagina 2

Hulanda a duna asistencia na lider di oposicion Venezolano sin informa premier di Aruba ni Corsou



Pagina 8

FBI: Trump tabata obhetivo di aparente intento di asesinato



Pagina 22



BUY 2 BINGO GAMES & GET THE 3RD ON US!

\$2,500 IN TOTAL PRIZES

PRE-BINGO AT 12PM • BUY-IN: \$2
BINGO AT 1PM • BUY-IN: \$14

PROGRESSIVE JACKPOT
STARTING AT \$15,000

THE CASINO AT
THE RITZ-CARLTON
ARUBA

Camara di seguridad a graba persona cu lo a drenta cas pa horta



Ya algun biaha, ciudadanonan ta confronta e situacion dificil unda nan ta bira victima di hortamento. Mayoria di caminda tin camara pa asina por tin un miho control y mayor seguridad, manera den sector turistico; sinembargo tin barionan cu cas cu ya

caba ta dispone di un circuito di camara pa evita bira victima di ladron.

Esaki ta e caso di un pagina riba Facebook yama "Aruba contra Ladron" riba cual e administrado a dicidi di publica video di esnan cu nan ta considera "ladron" debi na e



actitud cu nan por a muestra riba video.

Recientemente, a publica potret di un homber bisti cu T-shirt preto y pechi, canando pia abao cu tas kibra unda por mira cu e ta cana den bario y ta busca "algo pa

haci." Den e comentarionan a pone diferente video di e persona aki cu ta parece a drenta un cas cu pool, ta cana y wak rond di e cas unda tambe por mira cu e ta purba di habri un porta.

Ta parece extraño pero no ta un

bes so el a yega di drenta den e mesun cas unda tambe por mira den otro potretnan, e mesun persona pero cu otro paña y cu keds bisti, purbando di habri e porta di e cas.

Mesora usuaronan di rednan social a cuminsa bati alarma y tag Cuerpo di Polis, minister di Husticia Rocco Tjon y hasta parlamentarionan debi na e preocupacion cu esaki ta causa pa habitantenan di e bario aki.

Algun di e comentario di usuaronan a sigura cu ta trata di un "choller" cu algun usuario a yega di wak'e na Playa of na Paradera segun a sigura.

Cierto ta cu camaranan di seguridad ta yuda hopi den casonan aki, vooral den bisindarionan mas luhoso unda algun casnan no tin cura y hendenan por drenta, aunke tin camaranan cu ta graba tur cos.

E video aki a ser graba den bario di San Migel y Koyari segun e publicacion mes ta señala.

Gerlien Croes ta lansa oficialmente su partido Futuro



Ayera nochi, riba Dia Internacional di Democracia, parlamentario independiente Gerlien Croes a anuncia su partido nobo, Futuro, na caminda pa eleccion dia 6 di december binidero.

Croes, ken a cuminsa su carera politico riba lista di

partido AVP y eventualmente a bandona e partido, a anuncia su partido politico nobo, Futuro, durante un evento na Casibari Rock Formation ariba Dia Internacional di Democracia.

El a remarca cu el a scoge e Dia Internacional di Democracia especificamente pa lansa

su partido pa duna inicio na biba democracia na Aruba y duna espacio y oportunidad pa cambio di pensamiento politico na Aruba, cu idealnan grandi y anhelo pa cambian grandi por tuma luga.

Durante su discurso, Croes a enfatisa e necesidad pa transparencia, union, representa-



cion y respet pa e pueblo di Aruba.

Despues di su discurso, Bon Dia Aruba a puntra Croes tocante e lista di personanan cu lo forma parti di su partido pa e eleccion binidero. E parlamentario independiente no a duna detaye pero a indica si cu no tin un limitacion di cantidad di persona cu lo por subi lista di partido Futuro y cu e anoncianan lo cuminsa tuma luga durante e simannan binidero.

A puntra e lider di e partido nobo si Futuro haya e oportunidad pa sinta den un gobierno di colacion, si tin algun

partido cu nan lo descarta pa forma coalicion cune, Croes a remarca cu lo mester warda pa wak kico e resultado di eleccion lo duna.

El a agrega cu si ta papia di futuro y cu durante su discurso el a menciona division y desunion den e comunidad, locual cu nan kier ta lo contrario y el a subraya cu e ta abierto pa combersa na bienestar di pais Aruba.

Por ultimo, pa loke ta trata ideologia di su partido, Croes a indica cu esaki ta un movimiento progresivo, pero a base di e norma y balornan di pais Aruba.

Partido HTC ta enfoca riba proyecto di parke di atraccion pa San Nicolas crece



Campaña electoral ta den full swing caminda ya caba partidonan a cuminsa reuni na nan sede. Algun di nan a bin cu imagen nobo, otronan a cuminsa parti sticker riba caminda y otro, manera partido HTC, a haci un transmision en bibo riba rednan social sigurando cu “dia 6 di december ban pa e cambio.”

Pa esaki, lider di partido, Gilbert Webb a splica cu desde 2021 cu tabata ultimo eleccion partido, Hubentud Treciendo Cambio (HTC) a sa di demostra te na ultimo cu tabata un partido “fuerte” y cu “a para duro y firme cu a demostra cu HTC a bin pa para pa igualdad y pone ser humano central,” Webb ta sigura.

Pa su persona ta hopi importante cu avor cu gobierno a cay y pa dia 6 di december tin eleccion, votadonan asisti na urnanan consciente.

For di 2021 te cu awor, su persona tabata den un pauze unda el a yega di sigui su estudionan y a gradua cu tres Master Degree. “Pero aworaki mi ta para fuerte, duro y firme pa e pueblo di Aruba,” el a sigura.

“Tur dia cu mi ta lanta cu sacrificio, e no ta facil, e ta

hopi dificil. Y di curason mi a dicidi di haci esaki cu e curashi pa sigui demostra como ciudadano cu locual mi ta pusha pa abo progresa riba e pida di baranca aki. Ta hopi importante pa mi y pa tur ciudadano,” el a bisa.

El a gradici cada candidato cu hunto cune a participa den eleccion di 2021, y a bisa cu su persona como lider di partido “kier a bisa na cada un di mi ex-candidatonan hopi danki. Boso a lucha y boso a para firme aparte di tur e bullying, aparte di tur e persecucion, tur lo cual tabata manera un castigo cu e personanan aki a haya y no ta husto. Mi persona tambe a pasa den varios cosnan,” el a sigura.

Por a recorda cu na aña 2021, HTC tabata haci campaña den bario di Noord especificamente na caya Semeleerstraat, den esaki, lider di e partido Gilbert Webb hunto cu otro dos candidato a haya un agresion di parti di tres persona hoben cu tabata den auto, el a cualifica e acto aki como intento di asesinato ora e auto a bay direccion riba nan masha duro mes y Webb a haci un denuncia.

Webb ta keda para riba e punto cu e ta un persona cu kier sigui lucha pa esnan mas vulnerabel, por chemplo esnan cu no tin cuminda na cas, muchanan cu ta bay scol

sin come pasobra schoolgeld ta caro, pasando den circunstancianan dificil, pero portapota den persecucion nan ta den silencio y p’esey mi semper a dicidi di sali na bienestar di pueblo.”

Pa e motibo aki, Webb a informa cu e ta cla pa eleccion 2024 y cu firmamento ta bay tuma luga proximamente pa partidonan cu no ta den parlamento y HTC ta un di nan, “HTC ta pidi di curason na e pueblo di Aruba pa para firma pa e cambio di berdad,” el a bisa.

Ademas, el a trece dilanti cu gobierno actual “a scoge un opcion y e opcion ta na nan bienestar y no di e pueblo su bienestar. Nan a scoge pa worry riba poder y esaki ta loke HTC simplemente no ta acepta. Pasobra esnan cu ta sinta den gobierno y esnan cu a haya oportunidad mester a haci bon uso di esaki.”

Costo di bida ta aumenta, gasolin ta aumenta, problemanan social ta sigui aumenta manera e ta señala y cu den tres aña aki “kico


nan a haci pa bo bienestar?”

Webb ta señala cu HTC ta para firme unda nan kier crea un parke di atraccion no solamente pa personanan cu ta desea di pasa un dia cu nan famia pero tambe pa esey trece un entrada extra pa pais Aruba, “cu lo boost e economia di Aruba. San Nicolas ta bay haya e parke di atraccion aki, San Nicolas ta bay ta esun cu ta bay crece y mira algo back, pasobra cada ciudadano cu ta riba e pida di baranca aki nos tin cu wak en general pero hopi problema ta pasando na Aruba.” Aparte di e parke di atraccion, el a anuncia cu pais Aruba tambe lo genera varios cupo di trabou pa hendenan local “na unda cu minimo 1.000 persona, aparte di studio cu nos a haci riba esaki, mas di 1.000 persona lo haya trabou directo y indirecto na e parke dia atraccion aki.”

Den su opinion, ministernan cu avor ta demisionario cu a trece dilanti e topico di Surplus “a grita masha duro riba esaki.”

Den su opinion, Webb ta enfatisa cu no por ta asina cu tin otro prioridadnan ta poni na prome luga y e pueblo ta sigui sufri “un Aruba unda nos tur ta uni hunto pa paga impuesto continuo ta mira cu hopi cos ta laga di desea, derecho di pueblo ta wordo trapa, prijsnan ta keda aumenta y esnan cu tin cu haci cambio ta sigui disfruta y no ta importa pero ta basta, un Aruba nos ta, un deseo nos tin, ta pa hiba Aruba pa dilanti y pa nos tur ta parti di un cambio di berdad, HTC ta cla pa eleccion.”

Den ultimo eleccion di aña 2021, HTC a participa pa prome biaha cu un cantidad di 6 candidato unda como partido nan haya 249 voto den total y Gilbert Webb como lider a haya 154 voto, e tempo ey nan a señala cu den eleccion aki “hopi cos a bay robes durante conteo, no tabatin camara pa verifica e berdad y a tarda pa manda urnanan aden, y por a reemplasa papel tambe na favor di esnan presente.”



Falta di tarifa actualisa pa taxista ta crea confusion entre turistanan



Manera ta conoci, taxistanan tin un tarifa cu a keda estableci pa gobierno pa asina por sigura cu tin “competencia husto” y evita cu un taxista ta cobra mas cu otro, pero esaki no semper ta e coas. Den fin di siman un turista a publica ariba rednan social cu el a encontra un situacion na unda un taxista kier a cobrele mas di loke ta estableci pa un distancia specifico, un situacion cu en realidad ta basta comun.

Den su publicacion e turista ta splica cu nan a subi un taxi pa hiba nan for di nan hotel, Tamarijn AI, pa aeropuerto, cual ta menos cu 15 minuut di distancia. E ta sigui splica cu un hoben femenino a hiba nan y a bisa e pasaheronan cu pasobra cu e tarifanan nobo no ta na vigor ainda e por cobra loke e kier, na

cual e turista a indica cu e ta na altura di e tarifanan di 2022 cu gobierno a implementa cu taxistanan mester sigui.

“Mi a bis’e cu nos no ta estúpido y cu nan mes mester sigui e tarifanan di 2022. El a purba cobrami 35 dollar. E mucha muhe na Tamarijn a bisa mi cu e tarifa mester ta 26 dollar... cual ta corecto? Mi a sinti cu e tabata purba estafa nos. Mi a dun’e 30 dollar. Asina mi a paga 26 dollar plus 4 dollar di tip pasobra mi tabatin solamente paplanan di dollar mas grandi den mi cartera. E tabata un tiki ‘arrogante’ y mi no tabata kier baha na su nivel,” e turista a indica.

E publicacion a ricibi un cantidad di reaccion y comentario di parti di tanto ciudadanonan local como turistanan. E mayoria di usarionan cu a comenta


a confirma cu en berdad e tarifa pa e distancia di e hotel menciona pa aeropuerto ta 26 dollar, cual ta e tarifa cu gobierno a establece na 2022 y cu ta vigente te na momento cu gobierno introduci tarifanan nobo.

Otro varios usuario a indica cu e turista por a saca potret di e number di auto di e taxi y reporta esaki, pasobra taxistanan mester sigui e tarifanan estableci na 2022 y no cobra otro tarifa of aumenta e prijs na manera cu nan ta desea.

Un usuario specifico a splica cu si un taxista ta traha pa un compania, nan mester sigui e tarifanan estableci den 2022 y por cobra un tarifa adicional di tres dollar pa cualkeir cos despues di 11or di anochi den siman y henter dia riba diadomingo. Pa loke ta taxistanan independiente, el a indica cu como cu nan ta traha pa nan mes, nan ta pone nan propio orario etc, nan por cobra loke nan kier.

Otro usuario a clarifica cu tur taxista en realidad ta trahadonan independiente ya cu e permiso di taxi ta wordo entrega na un persona individual y no a traves di un compania. Taxistanan cu ta afilia na un compania ta haci esaki pa sigura un fluho di pasahero mas sigur, pero ta keda taxista independiente na final.

E mesun usuario a splica cu e lista di prijs ta un lista di sugerencia pa e minimo, pero no



ta un tarifa bou mandato cu e taxistanan mester sigui. El a sigui splica cu considerando e inflacion e ultimo añanan, usa un lista di prijs di dos aña pasa no ta un posibilidad mas.

Otro usuario a comenta cu aunke en berdad tin un tarifa estableci, un problema grandi cu e taxistanan ta enfrenta ta aumento di prijs di gasolin, locual na su turno ta hiba e taxistanan na aumenta loke nan ta cobra pa transporta turistanan.

“Mi ta biba aki. Loke antes tabata costami 40 dollar pa yena mi tanki di gasolin aworaki ta costami 50 dollar. E no ta husto cu nan mester paga mas pa gasolin pero mester cobra e tarifa di 2022. Mi ta sinti sorry pa nan. Honestamente ami lo a duna e 5 dollar extra cu e tabata kier. Mi ta casi sigur cu prijs di gasolin a aumenta un bo ta biba tambe,” e usuario a remarca.

Na november di aña pasa minister di Transporte, Ursell Arends, a anuncia cu prome cu fin di aña ta bay publica un maneho nobo pa transporte publico cu tambe

ta bay atende cu e lista di prijs pa taxi.

Taxi tin un tarifa estableci pa tur di nan cumpli cune y asina tin e “competencia husto,” unda un no ta cobra mas cu otro, pero manera ta birando mas conoci, taxistanan no ta cumpliendo cu e lista di prijs aki pa motibo cu segun a informa, e no ta vast den e ley.

Minister Arends a referi na e lista di prijs estableci na 2018 te cu 2022 y a remarca cu pa loke ta trata maneho nobo di transporte publico, nan ta bay atende cu e lista di prijs tambe.

El a menciona tambe cu nan a sinta cu e representantenan di federacion di taxistanan, unda tin diferente central di taxista, y den ultimo reunion e minister a pidi nan pa reorganisa nan mes den un solo organo cu ta representa nan tur, debi cu tin un total di 465 taxista y asina un persona so por representa nan.

Den luna di augustus ultimo, despues di reunion den parlamento durante cual minister Ursell Arends a a defende su maneho, particularmente riba traspaso di permiso di taxi, un fuente a confirma pa Bon Dia Aruba cu gobierno ta bay aplica e ley di taxi meter den proximo lunanan.

Esaki pa motibo cu no tin control riba e parti di impuesto, y segun a indica, 20 porciento di taxista tin un debe cu a acumula cu SIAD cu a acumula pa yega na 20 miyon florin. Ademas, esaki ta yuda cu e situacion cu tin actualmente relacion na e tarifa di taxi, ya cu taxistanan ta haciendo uso di un lista di prijs cu no ta den ley, un lista di prijs estableci na 2018 te cu 2022.

POPULAR 1	AIRPORT	GEN - AVIA	HI-RISE AREA	EAGLE BEACH	LO-RISE AREA	BUSHIRI BEACH	TOWN O'STAD	PARA DERA	STA CRUZ	SAVA NETA	SAN NICOLAS	NOORD
Beach Villa / OceanZ	35	45	14	17	18	21	23	26	30	44	48	14
Hi Rise Hotels & rest	31	41	7	9	10	12	13	21	24	37	41	9
Eagle Hotels & rest	28	38	9	7	8	10	12	21	24	36	40	10
Lo Rise Hotels & rest	26	36	10	8	7	8	10	21	24	35	38	12
Talk OTT / Malibu	17	27	20	17	16	15	8	17	21	25	30	20
Downtown Hotels / rest	21	31	13	12	10	9	7	17	21	30	35	13
Gaucho - Carte Blanche	21	31	14	13	12	10	8	17	21	30	35	14
Malinok-Gold Coast	36	46	14	17	18	21	23	26	30	44	48	14
Boca Catalina - Lighthouse	36	46	14	17	18	21	23	26	30	44	48	14
Chalan - Pearls	17	27	20	17	16	15	8	17	21	25	30	20
Del Rey - Ana Marie	31	41	9	14	15	16	17	18	24	38	41	9
Pincho's Barefoot	17	27	20	17	16	15	8	17	21	25	30	20
Gostoso	21	31	15	13	12	10	9	17	20	28	32	15
Caribbean Palm Village	31	41	9	10	12	12	13	21	24	37	40	9
Quality appl	26	36	12	9	8	8	10	21	24	35	38	12
Amirso -Varadero rest	17	10	30	28	20	25	24	21	18	25	30	30
Madina Pitala	25	25	12	30	29	28	26	22	18	14	24	32
Flying Fish- Zeerover	31	30	37	36	35	32	30	24	21	12	20	37
Charlie's Bar area	35	36	40	39	38	30	35	29	25	20	12	40
Indo to Lekker area	31	41	9	9	10	10	13	20	23	37	40	9
Wendy's to Wei Tai	31	41	8	9	10	10	13	20	23	37	40	8
Perle D'or	31	41	10	10	12	12	13	20	23	36	39	10
Quinta - Madam Jannot	28	38	10	9	10	10	12	20	23	35	39	10
Sasaki Bliss appt area	28	38	10	9	10	10	12	21	24	35	39	10
Redfish	26	36	12	9	8	8	10	21	24	36	38	12
Lady Bug -Palazio Area	31	41	10	9	10	10	13	21	24	35	39	10
Papiamento	31	41	9	10	12	12	13	21	24	37	41	9

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Comunidad a participa den Open Monumentendag yen di historia y cultura



Ayera mainta, comunidad di Aruba a haya e oportunidad di por bishita diferente monumento pa asina explora e historia y e bunita arkitectura di 13 monumento y edificio nan historico den area di Oranjestad.

Bailenan, caha di orgel, musica y algun hoben cantante tabata presente den cada un di e monumento pa pone un ambiente di fiesta cu e dia aki tin unda bishitantenan for di 10 or di mainta a cuminsa drenta pa aprecia e sitionan historico.

Pa prome biaha Stichting Monumentenfonds Aruba ta organisa e Open Monumentendag den colaboracion cu Stichting Nederland Monumentenland cu ta encarga cu Open Monumentendag na Hulanda. Na Hulanda lo celebra esaki durante tres dia largo pero na Aruba lo ta dia-domingo 15 di September.

E publico a registra na e monumento di Casita Geel y for di akinan cuminsa nan recorrido den Oranjestad y bishita e diferente Monumentonan, participa na actividadnan pa grandi y chikito unda tabatin e posibilidad di gana varios premio manera Weekend stay, travel vouchers, sunset sails, dinners y hopi mas.

Muchanan di scolnan basico a ricibi un Monumentenfonds paspoort unda cu ora na tabata bay bishita e diferente luga nan tabata haya un stempel y na final di actividad a yega na Postkantoor ken tambe a duna rondleiding y informacion tocante historia di Post.

Hendenan tambe a disfruta di entre otro, workshop y actividadnan pa mucha, benta



di artesanía y cosnan tipico di Aruba, Instameets y competencia di fotografia di e proyecto di Lang Leven het Erfgoed, tournan exclusivo y hopi mas.

Puntrando riba con e expe-



riencia aki na algun publico presente, nan a laga sa cu esaki ta un actividad basta leuk vooral pa e muchanan pa asina nan por bishita y conoce e luganan historico di nos isla, conoce un tiki mas di nan arkitectura, explora nan y bay back den pasado pa asina por



aprecia por ehemplo, con nos antepasado tabata cushina of tabata biba.

Sigur un exito e actividad aki tabata pa celebra e cultura y herencia unda Dia di Monumentonan ta mas cu un festividad, ta un ocasion pa uni

comunidad y honra legado di cultura di Aruba, pa esaki, Departamento di Cultura tambe tabata presente pa sostene e evento aki pa comunidad yega mas cerca di e monumentonan cual ta forma parti di Aruba su identidad.

A.T.A. ta comprometi cu e plan maestro ‘Seroe Colorado’

Aruba ta sigui conoce avance significativo pa medio di e desaroyo conforme e plan maestro dedica na ‘Seroe Colorado’, cual a lansa na 2020. E iniciativa aki, ta dirigi na mehora producto Aruba y crea un impacto duradero tanto pa e residente como e bishitante di e pais.

A.T.A. ta hunga un papel central den e Masterplan aki, como parti di su responsabilidad pa mehora nos producto turistico. E meta ambicioso di e plan ya a rindi resultado positivo cu Fase 1, cu a inclui santo pa e veld di baseball y asfalt pa e caminda direccion Baby Beach. Adicionalmente, na 2021, A.T.A. a contribui na renobacion di e trapinan di Rodgers Beach, cu despues a wordo embeyeci cu arte di mosaik representando e bida marino den e area.



Na April 2022, A.T.A., como un parti integral di e Comision di Infraestructura, a mira progreso notabel den desaroyo di un parking lot nobo na Baby Beach. Esaki a keda complementa cu construcion di un muraya pa proteccion di turtuganan y renobacion di e trapinan di Baby Beach. Awor, e atencion ta

dirigi pa checuta e plan pa Rodgers Beach como un paso siguiente den e Masterplan. E inversion total di parti di A.T.A., pa medio di fondo genera dor di turismo, den e proyectonan aki ta para na 3.64 miyon florin. Cu esaki ta demostra e compromiso pa embeyece y fortalece e producto Aruba, cual ta prioridad conforme maneho na-

cional di turismo.

Banda di esaki, A.T.A. ta kere fuertemente den e curason cultural y artistico di San Nicolas. San Nicolas ta unico y esaki mester mantene y proteh’e, mientras cu ta inverti y mehora unda mester.

A.T.A. su participacion den eventonan manera Aruba Art Fair, y cu esaki e creacion di muralnan y e sosten di nos artistanan local ta demostra e conexcion profundo entre nos esfuersonan cultural y turistico. Eventonan manera Island Fest, y inversion den diferente museonan ta chempelnan clave di e compromiso pa posiciona San Nicolas como un ciudad unico na Aruba. Alabes, A.T.A. ta orguyoso cu desde 2012 a opera un “Centro di Informacion pa Bishitante” den San Nicolas, un centro cu a ricibi hopi com-

pliment pa e servicio excepcional cu ta ofrece.

Tur local a comparti ta ilustra iniciativanan cu ta dirigi riba embeyece y mehora nos producto, cu e local central den esakinan, pero tambe cu e proteccion di nos naturalesa central y dunando realse na nos cultura. Tur esaki ta sirbi tambe pa conecta nos localnan cu nos bishitantenan aun mas.

Y tur e aspectonan clave aki ta yuda carga un maneho sostenibel di nos turismo. pa cu tur e inversionnan menciona y otro proyecto dirigi riba desaroyo di nos producto, no ta tene cuenta solamente cu e principio di “Building it with nature in mind”, pero tambe “Build it for the Locals and the Visitors will come”.

Lider fraccion MAS, parlamentario Marisol Tromp:

Maneho financiero zwak: E legado di mr. Xiomara Maduro, parti 1

“Recientemente nos Minister di Finanzas cu yen di fanfaria a post riba su pagina Facebook, con trempan e ta cu e presupuesto di Pais Aruba pa 2025, y cu asina e ta cumpliendo cu

Ley di Contabilidad,” Parlamentario di MAS, Marisol Tromp a bisa den un comunicado di prensa. “Si di berdad e Minister kier cumpli cu e ley aki, e ora e lo mester a entrega tur e



cinco cuenta anual atrasa di Pais Aruba (jaarrekening) na Parlamento, pasobra nan tur ta hopi laat.”

Lopez a continua destacando con como e Minister di Finanzas pa shete aña largo, e la logra di entrega solamente dos jaarrekening, esunnan di 2017 y 2018. “Via un jaarrekening e pueblo por wak unda berdaderamente su placa ta bay!”

Tromp a agrega cu e maneho financiero di mr. Xiomara Maduro como Minister di

Finanzas a wordo caracteriza door di ex-Secretario di Estado Van Huffelen (den su rapport Beleidsevaluatie Protocolen Aruba-Nederland y carta na Parlamento di Hulanda) como uno ZWAK. Den su opinion, “cu esaki e Secretario di Estado ta indica y establece cu e liderazgo di mr. Maduro pa por administra finanzas publico a keda deficiente y cu e informacion raporta pa cual Minister Xiomara Maduro ta responsabel, no ta amplio y no ta confiabel tampoco!”

Tromp a finalisa bisando cu

“lamentablemente e promesa di e Minister pa fortifica e capacidad di su departamento no a wordo cumpli cune tampoco.”



**TRABOU DI MANTENCION
NA SAN NICOLAS**

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diamars, 17 di september 2024

8:30 AM te cu 3:30 PM

Den vecindario di:

- Bernhardstraat (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.

ELMAR

GGD: Gabinete su recortenan ta menasa salud y seguridad di ciudadanonan

(NLTimes) - Gobierno su plan di austeridad na Hulanda ta nifica cu no por ta aorpiadamente prepara pa un pandemia nobo, poniendo den peliger e seguridad y salud di tur hende segun GGD GHOR Nederland.

“Cu un recorte structural di 300 miyon euro riba preparacion di pandemia, Hulanda no lo ta prepara pa menasan serio y real di salud cu bini nos caminda,” segun presidente Andre Rouvoet. “Esaki no solamente ta irresponsabel pero tambe inexplicabel

inmediatamente despues di un pandemia cu claramente ta demostra cu Hulanda no tabata lo suficientemente prepara.” Rouvoet ta compara e recorte na “demolicion di proteccion mientras cu un tormenta ta na caminda.”



Nacionnan Uni ta critica Hulanda tocante accesibilidad pa esnan discapacita



(NLTimes) - Hulanda no ta haciendo suficiente trabao pa e personanan cu incapacidad den varios area, segun un comite di Nacionnan Uni cu a evalua e situacion den e pais.

Den un evaluacion critico, e comite a demostra preocupacion tocante e accesibilidad di educacion, transport publico y e mercado di labor. E miembronan tambe ta critico tocante e tratamiento obligatorio den atencion pa salud mental, por ehempel: nan ta kere cu Hulanda mester pone un fin na esaki.

Investigacion y data a duna e comite e impresion cu personanan cu incapacidad y en particular incapacidadnan intelectual, “ta sigui enfrenta stigma y discriminacion.”

E autornan di e rapport ta kere cu acuerdonan di e tratado di Nacionnan Uni te ainda no a keda suficientemente implementa. Segun nan raport, publica diamars, Hulanda mester urgentemente “sistematicamente evalua” legislacionnan existente y trece esaki den linea cu e tratado.

E lista di criticanan y recomendacionnan ta largo. Por ehempel, e comite tambe ta kere cu e sistema di e scol mester bira “completamente inclusivo.” E autornan di e rapport ta declara cu e educacion special, pa e motibo aki,

mester caba. Nan resultadonan no ta comprometedor; nan ta constitui un consejo na gobierno Hulandes.

E evaluadornan tampoco no ta contento tocante e accesibilidad di e website di gobierno. Ademá, nan ta mira diferencianan grandi entre e municipalidadnan den e area di inclusividad y ta haya esaki indeseabel.

Ieder(in), e organizacion cu ta dedica na personanan incapacita of cu malesanan cronico, ta aplaudi e comite pa yega na conclusionnan fuerte. “Finalmente, gobierno ta criticamente atendi riba su politica inadecua pa personanan cu incapacidad,” e organizacion ta declara. “E ta yama “un reconocimiento importante” y ta urgi e gobierno pa “tuma e recomendacionnan aki extremadamente serio y implementa nan.”

Riba varios punto, e autor di e rapport tambe ta tuma posicion politico riba problemanan riba cual tin punto di bista diferente. Por ehempel, nan ta “preocupa” tocante e uso di NIPT, cual por detecta Down Syndrome y sindrome fatal Edwards y Patau den e feto. Nan ta nota cu NIPT por causa e terminacion di un embarazo y ta kere cu esaki ta refleha “actitud discriminatorio dirigi na personanan cu incapacidad.”

Potret di NLTimes.

E expertonan di GGD ta anticipa cu e empleadonan contrata desde coronavirus lo mester ser despedi atrobe. E organizacion ta adverti cu esaki lo resulta den e perdida di hopi conocimiento y experticio y e falta di inhabilidad pa responde adecuadamente na menasanan di malesa infeccioso.

Por ehempel, e recortenan lo haci imposibel pa crea un asina yama ‘information provision system (IV), cual segun

GGD, ta esencial durante un crisis y tabata perdi durante e pandemia di coronavirus. Como resultado, GGD ta anticipa cu pronto no lo tin bon informacion disponibel na nivel regional y nacional tocante malesanan infeccioso.

GGD a enfatisa riba diadomingo cu un pandemia nobo lo surgi y no ta trata ‘si’ esaki lo pasa, sino ‘ki dia’ e lo sos-

ode. “Nos ta lesando caba den corant tocante brote di tur tipo di malesa manera griep aviar, mpox, dengue y sarampi entre otro, y nos lo experiencia mas brote den futuro cercano, cu tur e riesgonan di salud den escala grandi cu esaki ta trece.”

Potret di NLTimes.



Stichting Onderwijs CombiA

Peutergroep Prikichi - Basisschool De Schakel – Schakel College

Zoekt per 1 november 2024

Fulltime groepsleerkracht middenbouw
volledige betrekking voor 40 uur per week

Basisschool De Schakel en Peutergroep Prikichi zijn particuliere scholen. We werken volgens de eisen van de Nederlandse Wet op Primair Onderwijs.

Met een betrokken team zetten wij ons dagelijks in om goed onderwijs te geven. Je bent proactief en voortdurend bezig met ontwikkelingen in je vakgebied. Hiermee lever je een bijdrage aan de kinderen en je collega's. Ben je op zoek naar een uitdagende baan in een meertalige omgeving en voldoe je aan de functie-eisen, zoek dan contact met ons!

Van de sollicitant wordt verwacht dat hij/zij:

- in het bezit is van een Pabo diploma
- minimaal 3 jaar recente werkervaring heeft
- affiniteit heeft met het Caribisch deel van het Koninkrijk
- bekendheid heeft met het onderwijsprofiel van de stichting met een inspirerende visie op onderwijs
- uitstekend op de hoogte is van de huidige ontwikkelingen in het Nederlandse primair onderwijs
- een uitstekende beheersing heeft van de Nederlandse taal
- ervaring heeft met meertalige leerlingen
- in staat en bereid is om zorgvuldig om te gaan met cultuurverschillen
- op een positieve manier samenwerkt met collega's en ouders
- ervaring heeft met digitalisering in het onderwijs
- in het bezit is van een rijbewijs

Aangeboden wordt:

- een uitdagende en positieve werkomgeving
- een marktconform salaris
- collectieve Pensioenvoorziening via de Guardian Group op Aruba

Uw sollicitatie, vergezeld van een curriculum vitae, motivatiebrief en scans van (gewaarmerkte) diploma's kunt u richten aan mevrouw Claudia Baur, schoolleider, per mail claudiabaur@bsaruba.com.

Stichting Onderwijs CombiA
Peutergroep Prikichi - Basisschool de Schakel – Schakel College
Boegoeroei 7-B, ARUBA - Tel: (+297) 5871583
www.schakelaruba.com

CMC ta ricibi presupuesto nobo pa fortalece posicion di e empleadonan

(CuraçaoChronicle) - Pa e prome biaha den 15 año, Curaçao Medical Center (CMC) lo ricibi un presupuesto di 12 miyon florin pa gastonan di personal den su presupuesto pa varios año.

Minister di Finanzas y Salud, Javier Silvania, a expresa preocupacionnan tocante e situacion actual na CMC den un carta. Den e carta aki el a enfatisa bisando: “e continuidad di cuidu mester semper keda

un prioridad, y no por haci ningun compromiso riba e calidad di e servicicionan cu ta provee na nos comunidad.”

E minister a tuma e paso financiero aki pa mehora e posicion di e empleadonan di CMC y tambe pa inverti den e calidad di cuidu cu nan ta provee. Tambe el a haci yamado na CMC pa evalua e presupuesto di cuidu di salud actual, prestando atencion special na fondonan reserva pa e aumentonan di salario y

indexing.

Segun un rapport di KNMG, CMC por implementa medidanan cu ta spaar gasto y cu ta relativamente simpel. E cantidad cu spaar por crea un flexibilidad financiero adicional pa e empleadonan di cuidu di salud. E pasonan aki tin e meta di garantiza cuidu sin interrupcion y di calidad pa pashentnan y e pueblo di Corsou.




Gobierno Hulandes a duna asistencia na lider di oposicion Venezolano sin informa Aruba ni Corsou su prome ministernan

(CuraçaoChronicle) - Un decision sumamente confidencial di e gobierno Hulandes unda a provee asistencia na e candidato di oposicion Venezolano Edmundo Gonzalez na su embahada a sali na cla, revelando cu e prome ministernan di Aruba y Corsou no tabata informa.

Esaki tabata pa motibo di preocupacionnan di seguridad.

Aruba su Prome Minister actual Evelyn Wever Croes a confirma cu el a ser notifica tocante e presencia di Gon-



zalez despues cu el a sali for di e pais rumbo pa Spaña.

Segun Wever-Croes, e gobierno Hulandes a splica cu revela su presencia den e pais mas trempa no ta posibel, pa motibo di e necesidad di proteha e seguridad di Gonzalez, como tambe e seguridad di e empleadonan di e embahada y otro empleadonan involucra.

Representante Special Annemiek Verrijp a declara cu e importancia di mantene e parti Caribense di e Reino informa a ser poni den balans.

Sinembargo, e Minister di Exterior na final a tuma e

decision di no involucra e Prome Ministernan di Aruba y Corsou den e decision, duna prioridad na seguridad. E Minister di defensa, sinembargo, si tabata informa tocante e decision.

Tabatin expectativa cu e dialogo cu e Minister di Exterior Hulandes y potencialmente e Prome Minister di Holanda, pronto lo tuma luga pa trata e manera cu a atende e topico sensitivo aki.

Parlamentario Hulandes ta urgi accion pa garantiza conectividad pa Sint Eustatius y Saba

(CuraçaoChronicle) - Parlamentario Peter van Haasen (PVV) a haci yamado na gobierno pa tuma pasonan urgente pa garantiza miho conectividad entre Sint Eustatius, Saba y resto di mundo.

Su remarcanan ta bini despues cu Winair, e aerolinea cu ta duna servicio na e islanan, a dicidi di stop di transporta carga riba su vuelonan for di y pa Sint Maarten, cual ta isola aun mas e comunidadnan di isla chikito.

Van Haasen a expresa su preocupacionnan, cu no ta solamente tocante e aerolinea su decision pero tambe tocante e prijs halto di pasashi cu e residentenan ta ser obliga paga.

“E alrededor di 5,000 residente di e islanan aki ta esencialmente manteni secuestra pa Winair, cual ta monopolizando un vuelo cortico di 15 minuut,” el a splica.

Tambe el a declara cu e lo traha cu su coleganan parlamentario cu ta responsabel pa aviacion y ta pidi nan pa reduci e isolacion di e pueblo na Saba y Statia.

E gobierno Hulandes tin hopi tempo altanto di e desafionan cu prijs di pasashi ta posee, entre otro con dependiente y continuo e servicicionan aereo entre e islanan ta. Sinembargo, apesar di varios estudio y rapport, no a tuma ningun accion concreto pa resolve e problemanan aki.



Estudio: Ex-prisionero ta bolbe comete delito mas lihe pa motibo di debe

(nltimes.nl) – Debe ta haci dificil pa hopi hende cu ta sali for di prison keda riba e caminda corecto despues di nan liberacion. Un ex-presos cu tin problema cu debe tin 12% mas chens pa bolbe comete un delito, segun investigador di Ministerio di Husticia y Seguridad di Hulanda. E situacion aki ta aplica pa mas cu 60% di hende cu ta sali for di prison.



Ora nan keda den libertad, un ex preso por haya beneficio di trabao y un entrada di placa, un cas pa biba, y un

pareha of otro hende pa biba cu nan, manera ta evidente pa algun tempo caba. Esnan cu no tin esaki, tin mas probabilidad pa bolbe comete un delito dentro di dos aña. Pero problema cu debe ta un causa importante tambe, segun e instituto independiente di investigacion WODC, cu ta relaciona cu e ministerio.

E proporcion real di ex-presonan cu debe ta probablemente hopi mas halto cu e

60% actualmente conoci, segun WODC. E calculacion aki no ta conta debenan di credit card ni debenan informal (por ehempel cu famia of amigo).

Otro estudio di WODC a muestra cu ex presonan ta topa cu dos problema principal despues di nan liberacion: falta di entrada di placa y falta di un luga pa biba. Mas cu mita di e grupo cu nan a studia ta sali for di prison sin

entrada di trabou of beneficio social. Riba termino largo, esaki ta empeora e problema di debe pa esnan cu ta afecta pa esaki, y e por pone mas presion riba e proceso di reintegracion.

“Esaki ta subraya e necesidad pa un plan pa atende debe pa ex presonan,” e Secretario di Estado Ingrid Coenradie a bisa. El a bisa cu e ta traha riba esaki hunto cu Ministerio di Asunto Social.

Falta di personal na centronan di cuida di mucha ta continua

BOinK kier dianan fiho pa cuida di mucha

(nltimes.nl) – Sector di cuida di mucha ta sigui lucha cu falta grandi di personal. Pero, segun informacion di CBS, e cantidad di vacatura a baha un tiki. Den di dos kwartaal di e aña aki, tabata busca 7.450 trahado pa cuida di mucha, compara cu 7.700 den e kwartaal anterior. CBS a raporta tambe cu 4.900 vacatura a surgi den e di dos kwartaal di 2024. Den e prome kwartaal di 2024, tabatin 5.700.

Varios organisacion di cuida di mucha tin hopi dificultad pa haya suficiente personal. Organisacionnan grandi manera Partou, Babilou Family y Gro-up ta lucha cu falta di personal y di bes en cuando tin cu cera localidad of gruponan pasobra no tin suficiente personal, segun nan mes a indica.

Por ehempel, Partou tin cerca di 700 vacatura habri, y ta particularmente dificil pa haya bastante hende den e ciudadnan grandi. E organisacion ta prefera contrata hende cu ta traha independiente pa yena e bashinan den e rooster cu ta surgi ora hende ta malo of ora ta tin hopi trabao.

Un vocero a bisa cu lo ta mas facil pa contrata personal si e trabao den cuida di mucha ta bira mas atractivo, por ehempel, cu un acuerdo colectivo di trabao (CAO) mas faborabel. Segun e, e posibilidad ta cu nan ta pensa pa corta e duracion di e programan di formacion, pa hende por yega mas lihe den e grupo.

Na Gro-up, ta trata mas o menos di 50 vacatura di full-time pa 2.100 hende. Pasobra nan por move coleganan en-

tre diferente localidad, normalmente no ta necesario pa cera grupo.

Babilou Family tin cerca di 200 vacatura pa 2.500 empleado. E organisacion ta purba di duna mayornan dianan di cuida mas tranquil, manera diamars y diabierna. “Mayornan ta papia cu nan dunador di trabao pa wak si nan por cambia nan dia liber.” Di mas o menos 2.000 grupo, tin algun cu mester cera casi semanalmente pasobra tin falta di personal.

“Nos no ta mira con nos lo por soluciona e problema aki den e decada cu ta bin,” segun presidente di BOinK, Gjelt Jellesma. E Grupo di Interes di Mayornan den Cuido di Mucha (BOinK) a bisa den nan reaccion riba e cifranan di CBS. BOinK ta propone cu e mayornan mester haya un cantidad fiho di dia pa cuida di mucha pa alivia e presion riba e sector.

Segun Jellesma, tur hende mester derecho na dos dia di cuida di mucha, excluyendo hende cu tin trabao esencial, cu mester haya un dia mas. “Si dos mayor ta traha full-time den cuater dia - 36 ora - y por traha un dia na cas pa parti e cuida, dos dia di cuida di mucha lo ta suficiente.” Jellesma ta prefera diaranan y diabierna, cu ta dianan mas tranquil.

Jellesma ta spera cu e falta di personal di cuida di mucha lo crece hopi mas den e añanan cu ta bin debi na e poblacion cu ta bieu. “E golpi real falta ainda pa yega.”

Si no por haya un solucion pronto pa e falta di personal den e cuida di mucha, esaki

por tambe tin consecuencia pa salud di e mucha cu no tin luga mas den un centro di cuida di mucha. Segun BOinK, centro di cuida di mucha ta promove salud

mental y comportacion social di mucha. “Muchanan cu ta bay un centro di cuida ta sufri menos di problema cu psicologo ta yama ‘externalisacion’ y ‘internalisacion’ ora

nan ta crece: preocupacion, comportacion inapropia y confrontacional ta pasa menos, mescos cu estado depresivo, ansiedad y fobia.”

Tension ta crece na Bolivia: Mobilisacion y marcha ta anticipa un siman complejo pa Gobierno

(Infobae) - Varios protesta contra Gobierno ta anticipa un siman di conflicto na Bolivia. Segun exs-presidente Evo Morales, dia 17 di september lo cuminsa un marcha for di e estado di Caracollo pa La Paz pa asina Gobierno cumpli cu e demandan di un peticion cu ta encera, entre otro, aumenta e suministro di dolar y combustibel, ademas di validacion di e congreso di e fraccion evista di e partido di Gobierno, den cual a renoba e liderazgo di Evo Morales como lider maximo.

E marcha, cu lo dura mas o menos seis dia, a keda defini den un extension di e Movimiento al Socialismo (MAS) dia 3 di september den cua tambe a ordena blokeo di camindanan cuminsando na october si no cumpli cu e demandan.

Di otro banda, organisa-



cionnan indigena di e altiplano lidera pa un fraccion di Ponchos Rojos a anuncia cu lo rondona e sede di Gobierno pa exige "e renuncia di presidente Arce y vice-presidente Choquehuanca, tambe e adelanto di e eleccionnan general," segun e corant La Patria.

E medidanan di presion na

La Paz ta coincide cu e traspaso di Gobierno pa ciudad di Santa Cruz, cu e obhetivo di controla operacionnan di combatimento di candela for di eynan. Segun e vice-minister di Comunicacion, Gabriela Alcon, e presidente, vice presidente y e 17 minister cu ta forma e gabinete ta gobernando for di e capital di Santa

Cruz desde diahuebs.

E mobilisacionnan aki ta uni pa otronan den varios estado di e pais motiva pa e crisis economico y ambiental cu Bolivia ta confrontando, e ultimo debi na e candelan den ost di e pais cu a consumi cuater milyon hectar y cu a laga e pais cubri den huma y polusion. Den e siman cu a

termina, a registra varios mobilisacion di ambientalista, di cual uno a termina cu represion policial na La Paz.

Di otro banda, siguidonan di Gobierno di Luis Arce enca-beza pa Central Obrero Boliviano a lanta un vigilia na Plaza Murillo pa exige aprobacion di creditonan internacional den Asamblea Legislativa, un exigencia di Poder Ejecutivo pa alivia e crisis economico marca principalmente pa e falta di dolar. Asina tambe e manifestantenan ta pidi aprobacion di "leynan social", liga na e ley di pensioen y derechon laboral.

E vigilia, instala cu tentnan na entrada di Asamblea Legislativa, ta indefini y no ta descarta otro medidanan di presion. Dialuna di siman pasa, lider sindical Juan Carlos Huarachi hasta a adverti di tuma over fisicamente e Asamblea Legislativa pa forsa e aprobacion di e prestamoman.

Corte Supremo a ordena traspaso di 3.3 milyon dollar for di red social X y Starlink pa Estado Brasileño

(EFE) - Un hues di Corte Supremo a ordena traspaso di 18.3 milyon real (3.3 milyon dollar) for di cuentanan blokia di X y Starlink, companianan propiedad di Elon Musk, pa e caha di Estado di Brasil, segun Corte a informa diabierna ultimo.

E decision a ser tuma pa hues Alexandre de Moraes, instructor di un proceso penal grandi contra e publicacion di noticianan falso riba rednan social, den cual e magnate Sur Africano ta aparece den un investigacion.

De Moraes a dicta e transferencia di e balornan aki como "pago completo" di e multanan imponi riba institutonan democratico di e red social cu informacion falso.

E sentencia ta di diaranson siman pasa, pero Corte Supremo solamente a divulga esaki diabierna, un dia despues cu e banconan -Itaú y Citibank- den cual X y Starlink tabatin e placa confisca, a informa cu nan a haci e transferencia pa e caha di Estado di Brazil.

Unabes cu e decision a keda ehecuta, De Moraes a kita e embargo cu tabata pisa riba e "cuentanan bancario y ac-



tivonan" di tur dos compania "mesora."

E balornan aki anteriormente a ser blokia pa e decision di De Moraes pa enfrenta e multanan imponi riba plataforma "X" "pa no kita" profielnan sospechoso, "ademas di a retira nan representantenan legal na Brazil, loke a conduci na e suspension di operacion" di e plataforma.

Algun di e profielnan aki ta pertenece na bloggernan y

voceronan di extrema derecha lidera pa ex presidente Jair Bolsonaro, entre 2019 y 2022, tambe investiga pa plama noticia falso, ataca institucionnan democratico y conspira pa realiza un golpi di estado.

Despues, De Moraes a hustifica e confiscacion di cuentanan di Starlink "pa responsabilidad conhunto" door di considera e companianan di Musk como "un grupo eco-

nomico de facto," un argumento cu a ricibi critica di parti di e mundo huridico.

E pelea entre De Moraes y Musk a cuminsa lunanan pasa y a mobilisa e partidari-onan di Bolsonaro.

E decision di e hues Brasileño a alimenta e debate riba libertad di expresion y e limitenan di rednan social paden y pafu di e pais Sur Americano. E suspension di e plataforma a wordo aplaudi pa isquierda

lidera pa presidente Luiz Inácio Lula da Silva y critica pa e oposicion derechista.

Musk y Bolsonaro a yama De Moraes un "dictador", cu a bira e enemigo number un di e extrema derecha Brasileño.

Di acuerdo cu un encuesta di AtlasIntel di mas cu 1.600 persona entrevista, un mayoria di Brasileñonan (56,5%) a mira un "motivacion politico" den e decision di Moraes y a calcula cu e accionnan di corte riba X "a debilita democracia cu 54,4%".

E Dia di Independencia di Brazil, alrededor di 45.000 Brasileño a manifesta riba e Avenida Paulista central na São Paulo pa exige e retiro di De Moraes, un di e diesun huesnan cu ta forma e Corte Supremo, den un protesta dirigi pa Bolsonaro mes.

Like
us on
Facebook
facebook.com/bondianoticia

Cuba: Diaz-Canel ta pidi crea comitenan di base di UJC y PCC den Mipymes priva

(CiberCuba) – Gobernante Cubano, Miguel Diaz-Canel a pidi e comunistanan di Sancti Spiritus agilidad den e capacitacion di trahadonan di empresanan micro, chikito y mediano (Mipyme) priva pa nan integra e filanan di e unico Partido reconocina Cuba.

“Nos mester ta capaz di crea den nan tambe structuranan di base, tanto den e Partido como tambe di e UJC, cu crecemento adecua y un vinculacion politico mas grandi di e trahadonan aki,” Diaz-Canel a bisa tocante e forma aki di gestion no estatal, segun e website oficialista Cubadebate ta informa.

Den e mesun reunion, e gobernante a exige na e comunistanan di Sancti Spiritus un ordenamento di tur pa yega na fin di aña cu otro resultado.

Un pedido cu ta cana cu deadline riba dje, solamente tres luna pa 2024 termina, y

cu ta laga muestra e incapacidad di e regimen pa haya solucionnan na e problemanan di e pais, mas ainda ora cu den e nuebe lunanan anterior nan no a defini un formula preciso pa haci loke nan ta pidi pa haci den loke ta keda di e aña.

Sinembargo, e mandatario ta referi na e politizacion di negoshi cu ta bou e di e vigilancia cuidadoso di e regimen, debi na e manera irresponsabel cu cual algun di e institucionnan aki ta conduci nan mes, manera el a señalá den luna di juli na parlamentarianan di e Comision Económico di e Asamblea Nacional di e Poder Popular.

For di e tribuna aki, Diaz-Canel a insisti cu su gobierno no tabatin planifica un persecucion contra un forma di gestion of propiedad específico; pero e discurso oficialista for di algun luna caba a bin ta ataca e Mipyme, especialmente esunnan cu ta importa productonan termina of no ta cumpli cu e prijsnan stipula.



Hunto cu nan, e dirigente partidista Cubano no ta sconde e intencion di politisa e trahadonan y e negoshinan priva na e isla, como tambe recluta militantenan pa e organisacionnan politico di e pais.

Den su discurso di clausura di e di tres periodo ordinario di sesionnan di e X Legislatura di e Asamblea Nacional di e Poder Popular (ANPP),

den juli ultimo, Diaz-Canel a menasa e Mipyme cu un paso pa accion, ratificando su boluntad di comete e actividad di e actornan economico nobo na e directivanan estatal y na e planificacion centralisa di e economia.

“Pa loke ta nos responsabilidadnan den e ambito insignur y compleho di economia, ta necesario reconoce e desesperacion pa cumpli cu

den e liñanan di e politica economico y social di e VIII Congreso del Partido, door di aparta procesonan y impulsa e formacion di Mipymes, nos no tabata debidamente firme den e exigencia di crea basenan normativo suficientemente robusto y integral pa conduci e funcionamiento di e forma di gestion aki cu ya tabata opera e economia, pero sin un reconocimiento formal,” el a señalá.

Haiti: Biden ta denuncia atake contra comunidad Haitiano y ta pidi Trump pa stop su acusacionnan

(DiarioLibre) – Presidente Mericano, Joe Biden, a denuncia e atakenan cu e comunidad Haitiano ta sufriendo na e pais despues di e acusacionnan di ex-mandatario Donald Trump den nan contra, y a pidi Trump pa stop e acusacionnan aki.

“E comunidad Haitiano Mericano ta bao di atake na nos pais den e momentonan aki. E no ta corecto. No tin luga pa esey na Merca. Loke e ta haciendo mester stop, e mester stop!” el a bisa sin menciona Trump directamente.

Biden a pronuncia su mes na e Cas Blanco na principio di un acto destina na conmemora e excelencia di e comunidad afroamericano na e pais. Su discurso a wordo presidi pa e vocero presidencial, Karine Jean-Pierre, di origen Haitiano.

Trump (2017-2021) candidato republicano den e eleccionnan di 5 di november, tin dias expandiendo rumornan cu e Haitianonan ta come e



pushi y cachonan di e ciudadano di nan luganan di residencia.

E magnate republicano a insisti den e retorica aki den discursonan di campaña y incluso den e debate cu a tuma luga diamars ultimo unda el a enfrenta a vice presidente Mericano y aspirante demócrata, Kamala Harris. Sinembargo, riba rednan social si ta circula algun video cu usuarionan ta identifica

como mustrandando stranheronan cu ta secuestra, mata y come mascota di e residentenan.

“Hopi ciudad no kier papi di esey pasobra nan tin berguensa. Na Springfield (Ohio) e hendenan cu a bin ta comiendo e cachonan, nan ta comiendo e pushinan, nan ta comiendo e mascotanan di e hendenan cu ta biba eyan y esey ta loke ta pasando na nos pais y e ta un berguensa,”

Trump a apunta durante e debate.

Diahuebs ultimo den un discurso na Tucson (Arizona), el a agrega cu incluso nan tabata come e gansonan di e lago di e parkenan.

Cas Blanco a expresa caba su preocupacion tocante e peliger cu e comunidannan migrante manera esun Haitiano por enfrenta pa motibo di e noticianan aki di parti di e

ex-mandatario y otro republicanonan radical.

Den e contexto aki, un menasa di bom a provoca diahuebs ultimo e evacuacion di e sede di e municipio di Springfield.

E ciudad aki, unda e ultimo añanan alrededor di 10 mil Haitiano a establece nan mes, a informa den un comunicado di prensa cu e menasa tabata contra diferente instalacionnan na henter Springfield y door di esey nan a evacua varios oficina, entre nan esun di e alcalde y a pone den marcha un operativo policial.

Varios scol ubica den e distrito escolar di e municipio aki a wordo evacua tambe despues di ricibi menasa di bom.

Ehecutivo Haitiano a interвени den un intento pa pone fin na e situacion. E ministerio di e Haitianonan Residente den Exterior a expresa su solidaridad cu su ciudadanonan y a manda un señal cla di rechazo tocante e situacion.

Momento historico pa Aruba:

E prome 6 graduadonan di Xavier university school of medicine aruba a ricibi nan diploma Bachelor of Science in Nursing

Diahuebs anochi, den un esfera ameno den auditorio di Xavier University na Santa Helenastraat, a tuma luga e Ceremonia di Graduacion di Xavier University School of Medicine (XUSOM) 2024.

Rondona pa famia y amistad, e graduadonan a ricibi nan Bachelor of Science in Nursing diploma despues di a completa cuater (4) aña di estudio. E mandatario di Enseñansa, mayor, famia, amistad, profesor, directiva di Xavier University School of Medicine y demas invitadonan a celebra e momento historico, unda cu e prome seis (6) graduadonan a ricibi nan diploma.

Durante e ceremonia diferente orado a hiba palabra, entre otro presidente di Xavier University School of Medicine Sr. Ravi Bhooplapur, CEO dr. Arun Dubey, Sra. Bonnie McGowan y Minister Endy Croes. E mandatario di Enseñansa a dirigi palabra na e graduadonan y a felicita nan cu e logro aki. A haci entrega di e galardón na e miho graduado Marie Henriquez. Despues di e cer-



emonia emocionante, a sigui e momento di celebracion dedica na e graduadonan.

Minister Endy Croes ta gradici Xavier University School of Medicine Aruba p'e invitacion y caluroso recepcion. Alabes, ta felicita presidente di Xavier University Sr. Ravi Bhooplapur, dr. Arun Dubey, su ekipo y staf pa organisa un anochi bunita pa e gradua-

donan. Tambe e mandatario di Enseñansa a gradici Hospital, Wit Gele Kruis Aruba, Stichting Hunto y Respaldo pa brinda e alumnonan e oportunidad pa haci nan pasantia.

“Esaki ta prome biaha den historia cu XUSOM tin un grupo di graduado den e estudio di enfermeria y for di inicio Gobierno di Aruba a aproba e estudio aki. E grad-



uadonan por cuminsa traha na, entre otro hospital. Mi ta gradici Xavier University School of Medicine Aruba y tur stakeholder cu a haci e

programa aki posibel. Alabes, ta felicita tur graduado y ta desea nan hopi exito den nan carera” Minister Endy Croes a conclui.

ImSan a bishita Cas Marie

San Nicolas, En conexion cu Dia Mundial di Alzheimer venidero coleganan di Instituto Medico San Nicolas (ImSan) a haci un bishita di cortesía na e clientenan di fundashon Cas Marie. ImSan tin como meta pa asisti instancianan y asina educa nan clientenan, asistentenan y e comunidad en general riba nan salud.

Fundacion Cas Marie ta un pasadia pa personanan

cu Dementia y Alzheimer, nan ta coach y duna sosten na famia nan cu tin mester.

Durante e bishita e personal di ImSan a percura pa e clientenan di fundacion Cas Marie haya un health check-up pa controla nan salud. Tambe e empleadonan a haya un training di “Heartsaver First Aid” pa asina den momentonan di emergencia nan ta bon prepara.

A comparti un rato ameno

cu e cliente-/empleadonan di fundashon Cas Marie. ImSan ta gradici y ta felicita fundashon Cas Marie pa e bon trabou cu nan ta eherciendo, amor y dedicacion cu nan ta duna e clientenan.



Casa di integrante principal di Jane's Addiction ta bisa cu tension y enemistad a causa pelea riba escenario

(AP) - Un discusion cu a hera converti den un pelea fisico riba escenario di e banda di genero Rock Alternativo Jane's Addiction a surgi den medio di "tension y enemistad" durante nan tour di reunion, cantante principal Perry Farrell su casa a comparti diasabra.

E banda ta conoci pa e hitnan manera "Been Caught Stealing" y "Mountain Song" den fin di 1980 y comienso di 1990, ora cu e movimientonan di rock alterantivo y grunge tabata creciendo.

Den videonan publica riba red social di diabierna anochi

su concierto na Boston, Farrell di 65 aña ta mira cantando duro den su mic y despues bayendo riba guitarrista Dave Navarro, golpiando Navarro cu su schouder prome cu el a tira un mokete cu su man rechts. Navarro por ser mira ta wanta su man den aire pa mantene Farrell leu prome cu otronan ta hala Farrell riba escenario. E show a caba poco despues.

"Perry su frustracion tabata creciendo y acumulando, nochi tras nochi, e tabata sinti cu e volumen riba e escenario tabata demasiado ariba y su bos no por a ser scucha a causa di e banda," Etty Lau Farrell a skirbi den un publicacion diasabra mainta.

El a bisa cu su casa tin tempo ta sufri di tinnitus, cual ta un zonido den bo horea, y gar-



ganta un poco malo, pa "ora cu e cantica tabata cabando, e no tabata canta mas, e tabata grita djis pa nan por scuche." El a bisa cu su casa despues a kebranta y a keda "yora y yora."

E banda su tour "Imminent Redemption" a cuminsa den

comienso di october y tin 15 fecha mas, incluyendo un show na Connecticut.

E banda te ainda no a haci ningun declaracion ni a duna comentario publico tocante e futuro di e tour ni loke a sosode entre e dos integrante di e banda.

Lil Wayne ta sinti dolor despues di ser ignora como artista principal pa Super Bowl Halftime Show; E situacion a 'destros'e'



(AP) - Lil Wayne a papia pa prome biaha tocante su sentimentonan despues cu e no a ser elegi como e artista principal pa Super Bowl Halftime Show na su estado natal New Orleans.

E mega rapper a expresa su sentimentonan publicamente den un video publica riba instagram diabierna, casi 1 siman despues cu e rapper basa na Los Angeles Kendrick Lamar a ser anuncia como e artista principal. El a bisa cu el a sinti su mes ignora y esaki ta "destros'e", agregando cu "mi ta djis purbando di pega mi mes back na otro."

Durante e añanan, Wayne a expresa den varios ocasion su deseo di ta e artista principal durante e show aki, cu ta sosode durante halftime di NFL su wegá di campeonato, cual lo tuma luga na Ceasars Superdome dia 9 di februari proximo. E lo ta e di dos biaha cu Lamar lo canta durante halftime show despues cu e tabata invitado cu Dr. Dre, Snoop Dogg, Mary J. Blige, 50 Cent y Eminem den aña 2022.

Wayne tabata aparenta di ta

sumamente tristo den e video, bisando cu e mester a tin suficiente forza prome, pa e por expresa su sentimentonan "sin kibra."

"El a haci hopi dolor," Wayne a bisa, un ganado di 5 Grammy, cu tin un variedad di hit manera "Lollipop" cu Static Major, "Mr. Carter" cu Jay-Z, "Go DJ" y "A Milli." Tambe el a yuda pusha e carera di Drake, Nicki Minaj y Tyga.

"Mi ta culpa mi mes pa mi falta di preparacion mental pa e resultado aki, pa automaticamente pone mi mes den e posicion ey," el a bisa. "Mi a pensa cu no tin nada miho cu e posicion ey, riba e escenario ey, riba e plataforma ey den mi ciudad."

Wayne a duna danki na su sostenedornan, incluyendo Minaj y Birdman, cu a papia di su parti.

"Mi ta sinti manera cu mi a defrauda boso tur pa motibo cu mi lo a logra haya e oportunidad ey," Wayne a bisa.

Sinembargo, Wayne tambe a expresa cu "boso palabranan a converti den brasanan y a wantami ora cu mi tabata kier cay."

DESDE 1 DI JULY 2024 CONFORME LEY,
ARUBA WASTEWATER SUSTAINABLE SOLUTIONS
AWSS
TA ENCARGA CU RWZI NA ARUBA.

RWZI
SYSTEMA DI RIOOL
PLANTA NAN DI PURIFICACION

Pa mas informacion:

www.awss.aw | [f AWSS](https://www.facebook.com/AWSS) | info@awss.aw

[280-0436](tel:280-0436)

Aruba Wastewater Sustainable Solutions

A revolution in sustainable wastewater solution

HOH a tene di cuater edicion di Beach Tennis presenta pa HVT

E comision di HVT (Hulpverleners team di Hospital) a cuminsa cu e competencia di beach tennis 4 aña pasa como un actividad unda e focus ta riba crea amistad y alabes stimula movecion bou di e miembronan di HVT. No a conta ni imagina cu e acogida lo tabata asina grandi y tan gusta y pues desde e tempo ey e la bira un torneo fiho cu ta tuma luga anualmente pa empleado di Hospital.



Diasabra 31 di augustus e competencia a tuma luga y a conta cu participacion di 70 colega parti den seis categoria. Y pa tur cu a presencia por bisa sigur cu e tabata un competencia fuerte. Tabatin premio pa e diferente catego-

rianan y diferente nivel, esta teamnan mix y categoria fun y tambe team mas avansa.

E aña aki e grupo cu mas a sobresali ta e coleganan di Sala di operacion (OK) cu a logra bay cu hopi premio. Dife-

rente colega a pasa pa apoya y hasta tabatin departamento cu a laga print shirt y asina crea mas ambiente ainda apoyando otro fuertemente!

Otro aña lo celebra e di 5 edicion di Beach tennis y e



comision di HVT ya caba a cuminsa traha riba e plan pa haci e torneo un evento espectacular. Hunta di Directiva kier gradici e comision pa e tremendo trabou un biaha mas u alabes ta desea di stimula mas colega pa cuminsa

train paso e competencia otro aña ta bay ta mas fuerte ainda.

Pabien na tur colega cu a participa y na e ganadonan den tur categoria keep it up!

Atletanan cu a sobresali a keda honra durante AVB Award Night 2024

Recientemente, durante AVB Award Night a duna premio na atletanan cu a destaca. Den cada categoria a otorga premio pa Goalgetter: y MVP.

U-9 PLATA

Goalgetter: Diaz Akhenaton di Brazil Jrs.
MVP (strea): Damian Nelson di Bubali.

U-9 ORO

Goalgetter: Jaydrien Werleman di Nacional1.
MVP (strea): Milan Pimienta di RCA1.

U-11 PLATA

Goalgetter: Tristan Corsen di RCA3.
MVP (strea): Michael David Rosario di RCA2.

U-11 ORO

Goalgetter: Ricky Henriquez di Nacional1.
MVP (strea): Ricky Henriquez di Nacional1.

U-13 PLATA

Goalgetter: Justin Silva di Master Boys.
MVP (strea): Adam Boekhoudt di Britannia.

U-13 ORO

Goalgetter: Samuel Cuartas di La Fama.
MVP (strea): Drexxtton Silva di RCA1.

U-15 PLATA

Goalgetter: Jayden Mc.Gregordi Estrella.
MVP (strea): Jayden Mc.Gregor di Estrella.



U-15 ORO

Goalgetter: Steven Almonte di La Fama.
MVP (strea): Jarred Rosenstand di Britannia.

U-17 PLATA

Goalgetter: Pedro Fernandez di Estrella.
MVP (strea): Pedro Fernandez di Estrella.

U-17 ORO

Goalgetter: Kyziondrick Kock di United.
MVP (strea): Noa Kolman di Britannia.

Women's U-17

Goalgetter: Ellen de Jong di RCA.
MVP (strea): Niamh Tromp di RCA.

U-20

Goalgetter: John-Rick Kelly

di Riverplate.

MVP (strea): Michel Guivenson di Dakota.

Women's Open

Goalgetter: Jennifer Henao di RCA.
MVP (strea): Joyce Chen di La Fama.

Rookie of the year: Lorendana Nepi Perez di Britannia.
Goalkeeper: Princess Tucker di Estrella.

Defender: Genesis Hazel di RCA.

Midfielder: Lorendana Nepi Perez di Britannia.

Forward: Joyce Chen di La Fama.

Best coach: Angele Winklaar di Britannia.

Best referee: Melanie Jimenez Guzman.

Division Uno (1)

Goalgetter: Jose Leonardo Pulido di Sporting.
MVP (strea): Jose Leonardo Pulido di Sporting.

League Honor Silver

Goalgetter: Kenroy Ranger di La Fama.
MVP (strea): Kenroy Ranger di La Fama.

League Honor Gold

Goalgetter: Luis Manuel Torres di Estrella.

MVP (strea): Steven Rua Melchor di Britannia.

Rookie of the year: Rolph Derisca di Dakota.

Goalkeeper: Josthan Maduro di Riverplate.

Defender: Nickenson Paul di Dakota.

Midfielder: Steven Rua Melchor di Britannia.

Forward: Devis Oliveros di Nacional.
Best coach: Reinier Paraez di

Britannia.

Best referee: Jerwin Giel.

League Damas Open nominees

Goalkeeper

1. Princess Tucker – Nominee – Estrella.
2. Richdienne Croes – Nominee – RCA.
3. Neyline Reyes – Nominee – Dakota.
4. Genilee Thiel – Nominee – Riverplate.

Defender / Defensa

1. Genesis Hazel – Nominee – RCA.
2. Lindsey Loopstok – Nominee – Dakota.
3. Alexa Ramirez Diaz – Nominee – Riverplate.
4. Maixenne Wernet – Nominee – Estrella.

Mid Field / Bolante

1. Lorendana Nepi Perez – Nominee – Britannia.
2. Jennifer Amy Henao – Nominee – RCA.
3. Ashley Douglas – Nominee – Britannia.
4. Ciney Fleming – Nominee – La Fama.

Forward / Delantera

1. Joyce Chen – Nominee – La Fama.
2. Zyana Roger – Nominee – La Fama.
3. Yohana Agudelo – Nominee – Estrella.
4. Dyvienne Henriquez – Nominee – Britannia.

Lidernan top di AI ta reuni cu administracion Biden ta trata e industria su necesidadnan

(AP) - Oficialnan top di e administracion Biden a dialoga e futuro di inteligencia artificial na un reunion cu un grupo di ehecutivonan for di OpenAI, Nvidia, Microsoft y otro companianan. E enfoque tabata riba crea centronan di data na Merca y e infraestructura necesario pa desaroya e tecnologia.

E secretario di prensa di Cas Blanco, Karine Jean-Pierre a bisa na e periodistanan durante e conferencia di prensa diario cu e reunion aki a centra riba aumenta colaboracion publico-privada y den e necesidadnan di e industria pa loke ta trata forsa laboral y



permisionan. E capacidad tecnologico di e sector probablemente lo depende riba e acceso confiabel di electricidad, motibo dicon e companianan di servicio publico manera Exelon y AES tambe a participa den e reunion, pa asina atende tambe e necesidadnan pa cu e red electrico.

AI su creacion ta presenta un mezcla di promesa y riesgo; texto, imagennan, audio y video genera automaticamente por yuda aumenta productividad economico, pero tambe tin e potencial di reemplasa algun empleado. Di mesun manera, AI por fungi como un herment pa seguridad nacional y na mesun tempo, representa un menasa cu mester keda bao vigilancia.

E president Joe Biden a firma den octobier ultimo un ordo ehecutivo pa trata e desaroyo di e tecnologia aki, buscando manera pa establece proteccionnan via medidanan manera marca contenido genera pa

AI y atende e topiconan relaciona cu e derechonan di consumidor.

E reunion a conta cu e presencia di hefenan di gabinete na Cas Blanco, Jeff Zients; directora di Consejo Economico Nacional Lael Brainard; e asesor di seguridad nacional Jake Sullivan; subhefe di gabinete Bruce Reed; Secretaria di Comercio Gina Raimondo y secretario di energia Jennifer Granholm, entre otro.

Entre e presentenan representando e corporacionnan tabatin e CEO di Nvidia Jensen Huang; CEO di OpenAI Sam Altman; presidente y di-

rectora di inversion di Alphabet Ruth Porat; e director di operacionnan di Meta Javier Olivan y presidente cu vice presidente di Microsoft, Brad Smith.

Tambe tabatin asistencia di Matt Garman, CEO di AWS, cual ta un subsidiario di Amazon. E empresa a indica den un comunicado cu esnan cu a asisti a trata e modernizacion di e red electrico di e pais, agilisa e permisionan pa proyectonan nobo y e integracion di proyectonan di energia sin emision di carbon den e red.

Uber lo lanza Waymo su robotaxi na Austin y Atlanta proximo aña



(AP) - Uber a anuncia riba diabierna cu e lo desplega robotaxi crea pa pionero den tecnologia di vehiculo sin chauffeur Waymo cuminsando di proximo aña na Austin, Texas y Atlanta. Esaki ta forma parti di un trato cu ta profunda e relacion entre e rivalnan.

E aliansa aki ta expande un partnership cu e dos compania a crea ana pasa na Phoenix, senalando cu nan tabata cla pa pone un banda nan diferencianan y traha hunto despues di un bataya legal tocante acusacionnan cu Uber a horta Waymo su secreto-

nan. Uber ta aumentando su dependencia riba Waymo su robotaxi pa suplementa e cantidad di vehiculo cu chauffeur como contesta na peticionnan manda riba aplicacionnan di telefon ta bini algun siman despues cu el a anuncia e plan pa desplega vehiculonan sin chauffeur for di General Motors su subsidiario Cruise.

Te ainda no a revela unda Uber y Cruise lo traha hunto proximo aña, sinembargo esaki probablemente no lo sosode na California, unda Cruise su licencia ta keda

suspendi despues di un incidente den october 2023 na San Francisco cu a laga un peaton seriamente herida.

Contrario na Cruise, Waymo te cu awo no tabata involucra den ningun accident of choke serio ni grandi cu a pone un banda su robotaxinan, cual awo ta haciendo mas di 100,000 biahe pa siman na San Francisco, Los Angeles y Phoenix, riba su propio aplicacion.

Sinembargo Waymo su robotaxinan awo tambe lo responde na peticionnan riba Uber su aplicacion na Austin y Atlanta proximo aña, na luga di esunnan di Waymo.

Traha via Uber su aplicacion cu ya caba ta estableci den e ciudadnan aki ta señala cu Waymo ta buscando manera di introduci su tecnologia na mercadonan nobo hopi mas lihe, como parti di esfuerso pa genera ingreso pa su mayor corporativo, Alphabet Inc., cual tambe ta dono di Google.

Aunke Alphabet no ota revela Waymo su resultadonan financiero, e servicio di robotaxi ta anticipa di ta responsabel pa casi 2.15 biyon dolar den perdida operacional, pu-

blica pa su division "Other Bets" durante e prome mita di e aña aki.

E relacion comodo entre Uber y Waymo ta un diferencia dramático for di e discusion legal cu a culmina den ambos banda aceptando un arreglo di 245 miyon dolar durante un huicio di perfil halto den 2018. E acuerdo a resolve un demanda cu ta

acusar ex CEO di Uber Travis Kalanick di a conspira cu ex ingeniero di Google Anthony Levandowski pa horta Waymo su tecnologia.

Levandowski despues a declara su mes culpabel na e acusacionnan criminal cu a surgi for di e demanda civil aki, pero a evita un sentencia di 18 luna den prizon den januari di 2021 ora cu Presi-

dent Donald Trump a entrega su persona un pordon prome cu el a sali for di oficina.

Uber despues a bende e division di vehiculo autonomo cu a causa e acusacionnan di robo bao CEO actual Dara Khosrowshahi, despues cu un di e compania su vehiculonan robotico a asesina un peaton na Tempe, Arizona, den maart di 2018.



"Pa forma profesionalismo y personalidad"

De Minister van Onderwijs en Sport, als bevoegd gezag van de Dienst Publieke Scholen roept sollicitanten op voor de volgende functie te Colegio Educacion Profesional Intermedio (EPI):

Financiële medewerker (1VB)

Een nieuwe enthousiaste collega om de afdeling Financiën van Colegio EPI te versterken.

Vereisten:

- Mbo-diploma op financieel administratief gebied;
- Ruime ervaring in zakelijke dienstverlening;
- Beheersing van Nederlands, Engels, Spaans en Papiamentu;
- Studentgerichtheid (de student staat op de eerste plaats).

Profiel:

- Een professionele houding en plichtsgetrouw;
- Goede communicatieve vaardigheden;
- Cijfermatig onderlegd, nauwkeurig en gestructureerd;
- Integer, flexibel en klantgericht;
- Gevorderde computervaardigheden o.a. Microsoft office en Quickbooks.

Bezoldiging:

Conform de Bezoldigingsregeling Aruba 1986. Secundaire arbeidsvoorwaarden conform de Landsverordening Materieel Ambtenarenrecht en Landsverordening Vakantie en Vrijstelling van Dienst Ambtenaren.

Informatie:

Voor verdere informatie m.b.t. bovenstaande vacature kunt u zich richten tot: afdeling HR van Colegio EPI, via e-mail hr@epiaruba.com of via tel. + (297) 5258726 / 746.

Iets voor jou?

Stuur je schriftelijke sollicitatie, vergezeld van een curriculum vitae en kopieën van diploma's, binnen 2 weken na het verschijnen van deze advertentie, aan: Het bevoegd gezag, de Minister van Onderwijs en Sport d.t.k.v. Managementteam Dienst Publieke Scholen, John F. Kennedy Education Center, Stadionweg 37, per e-mail hr@dps.aw, met Cc naar hr@epiaruba.com

A bin haya un persona sin bida na Theaterstraat



Diabierna mainta a drenta informe di cu tin un persona cu no ta reacciona na un cas den Theaterstraat, mesora a dirigi tanto polis como ambulans na e sitio.

Na yegada di e patruya a bin haya e persona cu no ta reacciona, na yegada di e am-

bulans a nota cu di berdad e persona no ta duna señal di bida y a pidi presencia di un dokter. Na yegada di e dokter a constata morto natural di e persona di edad.

Na su famianan nos ta extendende nos mas sincero palabranan di condolencia

Ciclista gravemente herida den un accidente banda di Santana na Zeewijk

Diabierna mainta tempran a drenta informe di un accidente cu hende herida banda di e Santana di Zeewijk, mesora a dirigi tanto polis como ambulans na e sitio.

Na yegada di e patruya ya caba ambulans a yega y tabata atendiendo e victima. Polis a bin compronde cu e chauffeur di e pick-up debi na e solo di mainta no a logra mira e dama ciclista y cu e skina drechi di e pickup a dal e lagando e dama seriamente herida. Ambulans mes a transporte e dama cu urgencia den e trafico pisa di mainta.



Homber a cuminsa mainta tempran kibrando tur cos den cas na Cunucu Abao

Diabierna mainta a drenta informe di cu tin un homber kibrando tur cos den cas na Cunucu Abao, mesora a dirigi un patruya na e sitio.

Na Yegada di e patruya a bin compronde cu e homber aki a bay for di e sitio. Polis a bisa e dama di acaso e homber bolbe pa yamanan mesora.



Motociclista a dal abao ora el a desvia pa ambulans bayendo hospital cu urgencia

Diabierna mainta ora cu ambulans tabata bayendo hospital cu hopi urgencia a nota un dama motociclista dal abao na altura di La Granja Savaneta, mesora a dirigi patruya na e sitio.

Na yegada di e patruya nan


no a enkontra e motociclista, ni e auto ni ningun hende cu por a bisa local a sosode. Aparentemente e motociclista a lanta su brommer cu yudansa di un hende y a core bay su rumbo cu tur e dolor cu el a ricibi despues di su caida.



Turista burachi atrobe tabata molestia den oranan di madrugada na Amsterdam Manor

Diabierna madrugada a drenta informe di cu e mesun dama aki cu den e dianan aki ta bebe y bira fastioso na Amsterdam Manor a bolbe consumi alcohol y ta haciendo mesun cos molestando tur hende, mesora a bolbe dirigi patruya.


E biaha aki despues di basta papiamento a logra convence pa e bay hospital. Polisnan a escolta e dama aki pa hospital pa atencion medico. (UPDATE) Diabierna den oranan di atardi mester a bolbe bay duna asistencia pa e dama aki.



Adicto ambulante drumi dilanti porta den veranda di oficina di Lions Club na Engelandstraat

Diahuebs atardi a drenta informe di cu lo tin un adicto ambulante drumi dilanti e porta di oficina di Lions Club, mesora a dirigi un patruya na e sitio.

Na yegada di e patruya a bin compronde cu adicto ambulante net a caba di bay pero a laga algun pertenencianan atras. Polis a tuma datos y a piki e resto di cosnan y a bay warda di polis cu esakinan. Polis a keda di pasa tira bista mas frecuente.



Polis a bay Morgenster pa un accidente Hit & Run



Diahuebs atardi a drenta informe di un accidente na Morgenster, mesora a dirigi un patruya na e sitio.


Na yegada di e patruya a bin

compronde cu aki ta trata di un accidente hit & run unda e auto a sigui core bay pero ta bon mes cu a nota e number, marca y modelo di e auto pa asina polis por logra haya e chauffeur cu a core bay.

Polis a detene persona burachi para ta grita dilanti un cas na Catiri pero niun hende conoc'e eybanda

Diabierna madrug a drenta informe di cu tin un homber burachi y desconosi den bario di Catiri ta para dilanti un cas ta grita molestia trankilidad, mesora a dirigi un patruya na e sitio.

Na yegada di e patruya a bin topa cu un homber burachi cu no sa mes unda e tabata y polis a detene.



Polis especialista di trafico mester a bay pa resolve un accidente cu declaracionnan contradictorio na Solito

Diahuebs atardi a drenta informe di un accidente na Solito, mesora a dirigi un patruya na e sitio.

Na yegada di e patruya a bin haya nan mes den un situacion cu declaracionnan contradictorio y a pidi asistencia di un especialista di trafico. Na yegada di e especialista a resolve e diferencianan Afortunadamente ningun hende a resulta herida.



Accidente pa falta di preferencia na crusada banda di Cede di M.E.P

Diahuebs atardi a drenta informe di un accidente na e crusada banda di Cede di M.E.P. na Santa Cruz, mesora a dirigi un patruya na e sitio.

Na yegada di e patruya a bin compronde cu e auto preto a sali dilanti e auto oranje sin a dun'e preferencia y a bay dal riba dje. Afortunadamente ningun hende a resulta herida.



Adicto ambulante a horta yerba artificial for di un cafe y a bay pon'e na su pleki di drumi

Diahuebs atardi a drenta informe di un caso di ladronia for di Sandra's Bistro den J.G. Emanstraat, mesora a dirigi un patruya na e sitio.

Na yegada di e patruya a bin compronde cu un adicto ambulante lo a horta un pida yerba artificial di dilanti e luga y a bay pone banda di su pleki di drumi. Polis a tuma e keho y a pasa esaki pa recherche.



Polis a bay Amsterdam Manor pa un turista burachi y fastioso



Diahuebs merdia a drenta informe di cu tin un persona burachi haciendo fastioso na Amsterdam Manor, mesora a dirigi un patruya na e sitio.

Na yegada di e patruya nan a bin compronde cu aki ta trata di un persona special y a atende cun'e pa asina e calma y controla su mes.

Polis a bay Concessielaan pa core cu adicto ambulante for di un cas den reconstruccion



Diahuebs atardi a drenta informe di cu tin adicto ambulante na un cas den reconstruccion na Concessielaan, mesora a dirigi un patruya na e sitio.

Na yegada di e patruya a bin compronde cu aki ta trata di un adicto ambulante cual tin problema pa e move su mes. Cu ayudo di polis a hal'e for si e sitio eynan.



Centenares di miembro di misa Good News a fayece den un massacre

(AP) - Shukran Karisa Mangi semper a presenta bebi na trabao, unda el a saca for di tera e curpan-an dera di miembronan di un culto. Sinembargo e alcohol no por a alivia e shock cu el a sinti e main-ta unda el a haya e curpa di un amigo cercano, ken su nek a ser bira asina severamente cu su cabes y curpa ta den dos direcccion opuesto.

E morto violento aki a cau-sa rabia den Mangi, ken ya caba a saca e curpa di te hasta muchanan. E cantidad di cur-panan ta keda aumenta den e comunidad aki di Kenya su costa unda lider evangelico extremista Paul Mackenzie ta acusa di duna instruccion na su siguidonan pa keda sin come y asina ricibi e oportu-nidad di conoce Jesus.

Mientras cu hopi biaha e ta mira e resto di otronan ora cu e ta purba drumi, Mangi a bisa cu recientemente, e imagen di su amigo su curpa mutila ta tormenta su per-sona ora cu e ta lanta. “El a



fayece di un manera asina cruel,” Mangi a bisa, un di e varios persona cu ta coba e tumbanan aki y cu su trabao e keda suspendi pa motibo cu e curpanan ta acumulando na morgue. “Mayoria biaha, mi ta pensa ainda tocante con el a muri.” Den un di e masacrenan di culto mas mortal cu a yega di mira, por lo menos 436 curpa a ser recupera desde cu polis a drenta Good News Interna-tional Church na un mondi

den e pueblo di Malind. 17 luna despues, varios den e area ainda ta impacta pa loke a sosode apesar di varios adver-tencia tocante e misa su lider. Mackenzie a declara su mes inocente na e cargonan di asesinato di 191 mucha, vari-os cargo di asesinato y otro crimennan. Si condena, e lo pasa e resto di su bida den prizon. Algun na Malindi cu a papia cu The Associated Press a



bisa cu Mackenzie su confi-ansa mientras e ta deteni ta demostra e poder amplio cu e evangelistanan ta proyecta te hasta si nan doctrina ta contra autoridad di gobierno, kibra ley of causa daño na e siguidonan cu ta desespera-damente buscando sanacion of otro milagronan. E miembronan di e misa mester a paga suma chikito pa bira doño di tereno na Shaka-hola, unda nan tabata ser rekeri construi cas y biba den

pueblonan cu nombrenan biblico manera Nazareth, segun e sobrevivientenan. Mackenzie a bira cada biaha mas exigente, cu personanan di diferente pueblo prohibi di comunica cu otro of reuni cu otro, segun ex mimebro di e misa Salama Masha. “Mi a realiza cu Mackenzie no ta un bon persona ora cu el a bisa cu e muchanan mester yuna pa nan muri,” Masha a conta, ken a scapa despues di a mira dos mucha yuna te ora cu nan a muri. “E ora ey mi tabata sa cu e no ta algo cu mi por haci.”

Resultado Sorteo
14 y 15 september 2024

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
0762	3745	9041	5541
4778	6678	SUPER5	7346
7032	8960	-	1172

DIADOMINGO			
DIARIO	KORSOU	SUPER4	FLAMINGO
1441	0184	2898	6134
1039	3160	SUPER5	4932
7198	0154	17458	9244

MERDIA

	Sorteo # 4388
3536	
1805	
0150	
X2	
BIG 4	
Sorteo # 4388	
1367	
X2	
OFF	
Sorteo # 2444	
4123	
ZODIAC	
Sorteo # 4388	
1417	
Geminis	
LUCKY 3	
Sorteo # 1262	
754	
X3	

	Sorteo # 8347
0269	
4968	
3024	
X2	
BIG 4	
Sorteo # 7391	
4312	
X2	
OFF	
Sorteo # 2096	
6825	
ZODIAC	
Sorteo # 6150	
3552	
Cancer	
LUCKY 3	
Sorteo # 1080	
417	
X2	

	Sorteo # 2527
0 x Jackpot	
1 x Match 4+	
5 x Match 4	
217 x Afl. 12,00	

Joker	27 Letter J
Proximo Jackpot	
110.000,-	

	Sorteo # 6594
0 x Jackpot	
65 x Match 4	
1570 x Afl. 8,00	

05-06-15-19-22	
Proximo Jackpot	
50.000,-	

	Sorteo #
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	

Mega Ball	
Proximo Jackpot	
270.000,-	

	Afl. 370.000,-
--	----------------

	Sorteo #

DIADOMINGO MERDIA

	Sorteo # 4389
0593	
3961	
2982	
X2	
BIG 4	
Sorteo # 4389	
7411	
X3	
OFF	
Sorteo # 2445	
6014	
ZODIAC	
Sorteo # 4389	
2048	
Cancer	
LUCKY 3	
Sorteo # 1263	
479	
X3	

	Sorteo #
0 x Jackpot	
0 x Match 4+	
0 x Match 4	
0 x Afl. 12,00	

Joker	Letter
Proximo Jackpot	
110.000,-	

	Sorteo # 6595
0 x Jackpot	
6 x Match 4	
78 x Afl. 8,00	

10-14-24-29-30	
Proximo Jackpot	
51.000,-	

	Sorteo #
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	

Mega Ball	
Proximo Jackpot	
270.000,-	

	Afl. 370.000,-
--	----------------

	Sorteo #

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Oduber San Lucas
Tel. 582 1780 Tel. 584 5119

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Bira un Heroe den comuni- dad: sea un Boluntario cu Heart-Centered Leadership Foundation!



Heart-Centered Leadership Foundation (HCLF) ta invita adultonan na Aruba pa crea un impacto door di ta un boluntario cu e fundacion. Adulto riba 18 aña por yuda empodera y inspira hobennan na Aruba den diferente manera.

Boluntarionan di HCLF ta esencial pa logra e proposito di e fundacion pa crea lideran resiliente den comunidad. Cu hermentnan, tayernan y sosten, boluntarionan lo sinti segura den nan habilidadnan pa conecta y haci un impacto positivo cu hobennan. Ta un boluntario no ta solamente pa crecimiento personal y profesional, pero lo yuda reinforsa e habilidadnan necesario den e mundo actual. Boluntarionan di HCLF lo forma parti di un comunidad yena cu apoyo y hunto lo sigui crea impacto den bida di hobennan.


Crea un impacto como un boluntario por sosode den diferente manera. Un rol mas directo ta como lider di grupo durante nos actividadnan, unda e boluntario lo guia conbersacionnan cu hobennan. Personanan interesa di duna sosten na un manera menos directo HCLF ta ofrece rol tras di cortina. E rol lo por ta den forma di prepara materialnan, ofrece sosten na e persona cu ta duna e actividad, saca potret durante actividadnan y yuda den e proceso di preparacion prome cu e actividad of ordena e sala despues di nos actividadnan.

E trabao di boluntarionan di HCLF por wordo refleha den e comentario cu hobennan ta duna. Un hoben ta comparti cu: "Nan ta scucha bo realmente". Un otro hoben ta enfatisa cu e boluntario ta yuda crea un espacio sin huicio: "Nan ta compronde sin huicio y por a relata cumi". E testimonionan aki ta demostra HCLF su compromiso pa empodera e hubentud di Aruba.

Boluntarionan tin e poder pa haci un impacto den bida di e hubentud di Aruba. Esaki ta e oportunidad pa bira un heroe den comunidad y contribui na e desaroyo di e siguiente generacion. Conecta, inspira y haci un diferencia cu Heart-Centered Leadership Foundation. Tuma contacto cu HCLF via WhatsApp at 5841211 of email na hclfa-ruba@gmail.com.



Pronostico di tempo

**Tempo:**

Awe tardi y awe nochi:
parcialmente nubia y
generalmente seco
Den marduga y mañan:
temporalmente hopi nubia
cu un awasero local

Temperatura maximo 34
grado Celsius
Temperatura minimo 28
grado Celsius
Indice di calor (heat index)
den y rond di oranan di
merdia: 35 pa 42 grado
Celsius
Uv index: 12

Bahada di solo : 6:42pm
Subida di solo : 6:29am

Biento:

Moderado for di direccion
generalmente oost; forsa 3
te 4 (12 te 30km/ora, 7 te 16
nudo).
Durante di dia basta fuerte
den rafaga;
Forsa 5 (31 te 39km/ora, 17
te 21 nudo)

Situacion general di tempo:
Un disturbio den nivelnan
mediano y mas haltu
di atmosfera ta creando
condicionan leve di
inestabilidad den region.
Esaki lo trece mas humedad
y de bes en cuando mas
nubia cu por produci algun
awasero local. No ta exclui
e posibilidad chikito di
lamper cu strena.

Condicionnan maritimo/
estado di lama:

Na partinan protege di
costa: keto, rond di 1 pia.
Na partinan zuid: trankil, 1
pa 2 pia.
Na partinan oost te
noordwest di costa: modera
cu olanan alrededor di 3 pa
4 pia.

Cellular & Accessories Master
ta busca
"Cell Phone Technician"
Por yama na
Tel. 742 7704

218345

Winston Tshirt House
ta busca
"1 Sales Person"
Por yama na
Tel. 594 6310

218344

Mihor Indian Astrologo
conoce di bo pasado, presente
y futuro door di lesamento di bo
man y bo cara
Tel. 747 0808

218336

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi no a muri, ta pesey mi no a bisa ayo
Mi a djis habri mi halanan y bula bai keiro
Boso a keda atrás. No laga tristesa domina boso.
Keda uni un cu otro pa mi alma, esey lo ta un alegría.
Recorda mi cu hopi amor.

Cu profundo tristesa, pero agradecido pa tur su alegría y gran amor cu e la duna na tur esnan rond di dje, nos ta participa fayecimento inespera di nos defunto stima:

**Roberto Rubin
Quandus
Cariñosamente
yama "Binchi"
"Gordo"**

*26 Augustus 1963 –
†10 September 2024



Na number di su:
Esposa: Gertrudis Quandus-Tavarez

Mayornan: †Susana Arrindel
†Dominico Quandus

Manera Yui: Maraijke Tavarez
Nicauris Tavarez

Rumannan: †Jossy y †Rubeta Quandus
Irene Quandus
Humphrey Quandus y Linda Mendoza
Edith y Jan Groenendaal
Jacky Quandus

Suegra: Sra. Maria Tavarez
Swanan: Joselo Tavarez y Ramona Santana
Julio y Candida Tavarez

Subrino y subrina nan:
Annie y Jesus Labastidas y famia
Daniel y Cassandra Quandus y famia
Marjoline Quandus
Genesis Quandus
Angelo y Marije Groenendaal y famia
Rosita y Albert Bos y famia
Jordan Wernet
Cathline Wernet y Jonathan Heyliger

Omo Grandi: Pedro de la Cruz y Famia

Iha nan: Maraijke Tavarez
Nicauris Tavarez
Jordan Wernet
Cathline Wernet
Jendry Matos

Tanta y Omo nan, primo y primanan, su amigo nan di cas, bisñanan, colega nan di trabao di Alhambra, Divi, Tamarijn y Champagne Carnival Group

Famianan: Quandus, Tavarez, Ramirez, Arrindell, Tachi, Sanchez, Groenendaal, Labastidas, Seelochan, Veentjer, Bos, Wernet, Mendoza, Luidens, de la Cruz y demás famia na Aruba, Santo Domingo, España, New York, St. Maarten, y Hulanda

Ta invita pa asisiti na e acto di entierro cu lo tuma lugar diamars 17 di september 2024, na Royal Funeral Home, di 2 pm pa 4 pm, y después nos lo hiba Roberto na su ultimo lugar di sosiego na santana na Sabana Basora.

Famia ta pidi si tur hende por bisti na blanco.

Nos ta pidi nos disculpa si den nos tristeza nos por a lubida un of otro famia.
Nos ta lamenta cu después di entierro no ta ricibi bishita na cas.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa tranquil,
pa mi bolbe haña forsa".
Salmo: 23

Cu dolor na nos curason, nos ta participa fayecimento di nos ser stima:



**Sra. Florentina M. Dirksz
Cariñosamente yama "Ruby of Bibi"**
*15-12-1949 - †08-09-2024

Acto di entierro lo wordo anuncia despues

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Nos ta anuncia fayecimento di:



**Rosini U. Ras
Mihor conoci como: "Dufy"**
*13-09-1964 - †12-09-2024

Acto di entierro lo wordo anuncia despues.

Presidente di Parlamento, Raymond Kamperveen, Preparando pa yama reunionnan publico cu no a yama desde 2022

Recientemente riba su pagina di Facebook, presidente di Parlamento, Raymond Kamperveen (Raiz) a informa cu ya caba ta preparando pa yama reunion publico, encuentro publico y otro reunionnan di comision.

El a indica cu tin algun reunion publico pa yama cu desde 2022 no a yama. Lo yama e reunionnan basa riba e fe-



cha cu a pidi nan. Esey kiermen cu lo yama esnan mas bieu prome. Ademas, Kamperveen a indica cu ta bay publica e fechanan den tur transparencia ora e agenda ta completa.

Minister di Finanzas y su ekipo a reuni cu Colegio di Supervision Financiero CAFT

Diabierna 13 di September, Minister di Finanzas y su ekipo di finanzas a reuni cu e Colegio di Supervision Financiero CAFT, e biaha aki den su constelacion cu ta contene tambe e miembro nobo pa Aruba señor Marion Agunbero.

Minister di Finanzas a remarca cu na un base regular ta reuni cu CAFT pa asina informa e colegio entre otro kico ta e trabounan cu ta wordo haci pa mehora e maheno financiero di pais Aruba.

Un punto di agenda hopi importante cu a wordo trata ta e proyectonan en conexion cu e Landspakket, tema A, di cual cu ta contene un cantidad di accion cu ta wordo tuma pa e mehoracion di finanzas publico entre otro introduccion di un 'Three lines of defense' pa asina por mehora e parti di administracion financiero di pais Aruba. Tambe a discuti riba

e risiconan pa lora ta bira e trabounan cu ta wordo haci pa e 'deelneming en participatie beleid' pa midi e risiconan di e NV-nan di Gobierno pa cu presupuesto di pais Aruba. Trabounan grandi cu ta wordo haci di cual tambe e ultimo aki tin di haci cu e rapport cu recientemente Algemene Rekenkamer Aruba a trece dilanti di cual preocupacionnan ya caba a haya e atencion debido y a cuminsa traha riba nan adelanta den cuadro di e landspakket y e mehoracionnan di e parti di e maneho financiero di pais Aruba.

Pa locual ta trata e supervision di maneho financiero, a informa CAFT tambe riba e trabounan pa e nota di fin di aña di 2024 pa finalisa esaki pronto pa cuminsa e trayecto pa haya e consejo entre otro di CAFT y Raad van Advies pa despues por entrega esaki ainda na Parlamento pa su tratamiento prome cu fin di aña.

FBI: Trump tabata obhetivo di aparente intento di asesinato

(AP) — Ex-presidente Donald Trump tabata obhetivo ayera di “loke ta parce di ta un intento di asesinato” na su club di golf na Florida, segun FBI a bisa, apenas nueve siman despues cu e nominado presidencial Republicano a sobrevivir otro intento contra su bida. E ex-presidente a bisa cu e tabata safe y bon, y autoridadnan a detene un persona.

Agentenan di Servicio Secreto Mericano desplega algun distancia for di unda Trump tabata hunga a nota un rifle estilo AK saliendo for di e matanan rond di e campo di golf, como 400 yarda leu.

Un agente a tira y e homber arma scondi a laga e rifle cay y a huy den un SUV, lagando a arma atras hunto cu dos tas, un scope usa pa enfoca riba un obhetivo, y un camara GoPro, segun sheriff di Palm Beach County, Bradshaw a bisa. Despues a tuma e homber den custodia na un condado bisiña.

Esaki tabata e momento adverso mas recien den un campaña marca pa disturbionan sin precedente. Dia 13 di juli ultimo, a tira riba Trump durante un rally na Pennsylvania, y un bala a rasca su horea. Ocho dia despues, presidente Democrata Joe Biden a retira di e campaña, habriendo caminda pa vice-presidente Kamala Harris bira e nominado di e partido.

Y esaki sigur a agrega na e duda tocante operacionnan protectivo di Servicio Secreto despues di e fayonan admiti pa e agencia den preveni e intento di asesinato contra Trump berano ultimo.

Den un e-mail pa su sostenedoran, Trump a bisa: “Tabatin tiro cerca di mi, pero prome cu rumornan cuminsa bay for di control, mi tabata kier pa bo scucha esaki prome: Mi ta safe y bon!” El a skirbi: “Nada ta bay baha mi velocidad. Ami nunca ta bay rindi!”

El a bolbe Mar-a-Lago, su club priva na Palm Beach unda e ta biba, segun un persona familiar cu movemetonan di Trump, cu no tabata autorisa pa discuti nan publicamente y a papia den condicion anonimo.

No tabata inmediatamente cla si e incidente lo afecta



schedule di su campaña. E tabata programa pa papia for di Florida tocante criptomonedas en bibo awe dialuna nochi riba e red social X pa lansamento di e plataforma cripto di su yiu homber. E tabatin un town hall planea diamars na Flint, Michigan, cu su ex-secretario di prensa, gobernador di Arkansas, Sarah Huckabee Sanders, sigui pa un rally diaranson na Long Island na New York.

Candidato vice-presidencial di Trump, senador di Ohio, JD Vance a bisa den un post online: “Mi ta contento cu presidente Trump ta safe. Mi a papia cune prome cu e noticia a bira publico y e tabata, sorprendentemente, den bon espiritu.”

A informa Biden y Harris y lo tene nan actualisa riba e investigacion. Cas Blanco a bisa cu nan tabata “alivia” di sa cu Trump ta safe. Den un declaracion, Harris tambe a bisa cu “violencia no tin lugar na Merca.”

Despues, Trump a check cu su aliadonan, incluyendo Vance, Senador di South Carolina Lindsey Graham, y varios presentador di Fox News.

Sean Hannity di Fox News a recorda en bibo su combersacion cu Trump y e partner di golf di e ex-presidente, Steve Witkoff.

Nan a bisa Hannity cu nan tabata na e di cinco Hole y cla pa bay putt ora nan a scucha un “pop pop pop pop.” Dentro di algun seconde, el a bisa cu Witkoff a conta, agentenan di Servicio Secreto a “bula

riba” Trump y a “cubrie” pa proteg’e.

Trump a bolbe Florida e weekend aki for di un swing di West Coast cu a inclui un rally diabierna nochi na Las Vegas y un fundraiser na Utah. Su campaña no a avisa di ningun plan publico pa Trump ayera. Hopi biaha e ta pasa mainta hungando golf, prome cu come lunch na e club, un di tres di cual e ta doño na e estado.

E tabatin seguridad aumenta desde e intento di asesinato na juli. Ora e ta na Trump Tower na New York, trucknan ta parkea pa forma un muraya pafo di e edificio. Na rallynan pafo, awo e ta papia tras di glas bulletproof.

E campo di golf na Florida tabata shut down parcialmente pa Trump mientras e tabata hunga, pero tin varios area rond di e perimetro di e propiedad unda e golfistanan ta visible for di e heki. Agentenan di Servicio Secreto y oficialnan riba golf cart y ATV generalmente ta sigura e area varios Hole dilanti y tras di Trump ora e ta hunga.

Agentenan usualmente tambe ta trece un vehiculo arma riba e campo pa protege Trump rapidamente si bin un menasa.

Sheriff di Condado Palm Beach a bisa cu henter e campo di golf mester tabata rondona pa agentenan di ley si Trump tabata presidente, pero pasobra e no ta, “seguridad ta limita na e areanan cu Servicio Secreto ta considera posible.”

“Mi por imagina cu proximo biaha e bin e campo di golf, ta bay tin probablemente un tiki mas hende rond di e perimetro,” Bradshaw a bisa. “Pero Servicio Secreto a haci exactamente loke nan mester a haci, nan a provee exactamente loke e proteccion mester tabata, y nan agente a haci un tremendo trabao.”

Ex-presidentenan y nan casa tin proteccion di Servicio Secreto pa bida largo, pero e seguridad rond ex-presidentenan ta varia segun nivel di menasa y exposicion, cu esun mas pisa tipicamente inmediatamente despues cu nan bandona nan cargo.

Detaye protectivo di Trump ta mas halto cu algun otro ex-presidente pa motibo di su visibilidad halto y su campaña pa drenta Cas Blanco back.

E homber deteni tabata Ryan Routh, tres agente di ley a bisa AP.

FBI tabata liderando e investigacion y trahando pa determina cualkier motivo. Fiscal General Merrick Garland tabata ricibiendo actualisacionnan regular. Agentenan cu Bureau di Alcohol, Tabaco, Arma di Candela y Explosivo tabata yudando investiga.

“FBI a responde na West Palm Beach Florida y ta investigando loke ta parce di ta un intento di asesinato di ex-presidente Trump,” e bureau a bisa.

Reporteronan di noticia no tabata cu Trump diadomingo. Rechasando tradicion, campaña di Trump no a regla pa tin un pool protectivo di re-

portero biaha cune, manera ta standard pa mayoria di nominado di partido y pa e presidente. Harris no tin un pool protectivo tur ora, pero e ta permiti reporteronan biaha cune pa eventonan publico.

Sheriff di Martin County, William D. Snyder a bisa cu a detene e sospechoso algun minuut despues cu FBI, Servicio Secreto y oficina di sheriff di Palm Beach County a emiti un “BOLO hopi urgente” – esta un “be on the lookout”, un alerta detayando e vehiculo specifico, plachi number y descripcion di e vehiculo y sospechoso cu tabata bsucando.

Snyder a bisa cu su agentenan “inmediatamente a inunda” I-95 bayendo nort, desplegando na cada salida entre e linea di Palm Beach County pa sur y St. Lucie County pa nort.

“Un di mi unidadnan di patrulla di caminda a mira e vehiculo, a match e tag y nos a set up riba e vehiculo,” Snyer a bisa. “Nos a acerca e auto, a stop e di manera sigur, y a tuma e chauffeur den custodia.”

Snyer a bisa WPTV cu e sospechoso “no tabata arma ora nos a sak’e for di e auto.”

E homber tabatin un comportamiento trankil, flat, y a muestra tiki emocion ora polis a deten’e, Snyder a bisa, bisando cu e sospechoso no a cuestiona pakico tabata deteniendo e.

“E nunca a puntra ‘di kico esaki ta trata?’ Obviamente, agentenan cu rifle largo, luz blauw, hopi cos. E nunca a cuestiona,” Snyder a bisa.

Cuatro morto na parti di Rumania mientras tormenta ta laga centenares di persona atrapa

(AP) - 4 persona na parti di Rumania a ser haya morto despues cu dlanan di tormenta a trece yobida inespera, lagando centenares di persona atrapa den areanan inunda, segun autoridatnan di emergencia a anuncia diasabra.

Servicionan di rescate a core busca manera pa salba hende den Galati y Vaslui. E culpa di 3 hende muhe di edad avansa y un hende homber a ser haya den 4 diferente sitio, e Department for Emergency Situations a bisa.

E autoridatnan di emergencia a publica videonan unda ta muestra gruponan di rescatasta ta evacua hende usando botonan chikito via awanan sushi y cargando algun hende di edad avansa.

Algun e daño mas significativo causa pa inundacion ta concentra na Galati unda 5,000 vivienda a ser afecta. Un helicoper di e tipo Black Hawk tambe a ser desplega pa yuda cu e esfuersonan di buskeda y rescate.

E tormenta a golpia 19 localidad den e 8 parti di Rumania,



cu biontonan fuerte tumando decenas di mata cua cay riba autonan y a blokia trafico. Autoridatnan a manda alertanan via mensahe di texto na e residentenan pa adverti nan tocante e tempo extremo mientras cu servicionan di emergencia a purba core saca awa for di e casnan.

Pa 1or di atardi, ora local diasabra, mas di 250 persona a ser evacua cu e sosten di 700 personal di ministerio di interior desplega pa e comunidatnan afecta.

Minister di Ambiente Rumano Minister Mircea Fechet a conta Associated Press cu den algun parti di e sitionan cu e

inundacion mas pisa, mas di 42 galon di yobida a cay pa cada meter cuadra, cual e ta bisa ta algo sumamente poco comun.

“Loke nos ta purbando di haci aworaki ta salba mas bida cu nos por,” segun e Minister, ken tabata na caminda pa Galati pa evalua e situacion.

President di Rumania Iohannis a ofrece su condolencia na famia di e victimanan cu a perde nan bida, publicando riba Facebook: “Nos tin cu sigui fortalece nos capacidad pa anticipa fenomeno di tempo extremo.”

“Inundacionnan severo a



afecta parti grandi di e pais y a causa cu nos a perde bastante bida y sufri daño significativo,” Iohannis a bisa. “Un biha mas nos ta lidiando cu e efectonan di cambio di clima,

cual cada biaha ta mas presente den e continente Europeo, cu consecucionan dramático pa e pueblo.

President di Comoros ‘levemente herida’ cu cuchiu y sospechoso a ser haya morto den cel

(AP) - President di Comoros a ser “levemente herida” cu un cuchiu mientras e tabata atendiendo e acto funerario di un lider religioso riba diabierna, segun su oficina a informa. E sospechoso, ken a ser identifica como un soldad di 24 aña, a ser haya morto den cel di polis riba diasabra.

President Azali Assoumani su heridan no tabata serio y el a bolbe su cas, su oficina a bisa den un declaracion. El a bisa cu e atacado a keda deteni pa forsanan di seguridad y a ser cera, sinembargo autoridatnan ta bisa cu un dia despues a hay’e “inconsciente” den un cel unda cu e tabata deteni y a ser declara morto.

E sospechoso a keda identifica como Ahmed Abdou. Fiscal publico Ali Mohamed Djounaid a bisa cu Abdou a ataca Assoumani cu un cuchiu di cushina na e funeraria. Un ciudadano tambe a



keda herida durante e atake ora cu el a purba proteha e president, minister di e gobierno Aboubacar Said Anli a informa.

E atake a sosode na Salimani, cual ta pafo di e capital Moroni.

“E president su agentenan di seguridad inmediatamente a tuma accion, gara e sospechoso y entreg’e na investigadornan,” fiscal publico Djounaid a conta reporteronan. El a bisa cu un investigacion ta andando tocante e atake su

motivacion y e circunstancianan di su morto mientras e tabata bao detencion.

Assoumani a ser reelegi como president di Comoros den januari den un voto denuncia pa partidonan den oposi-

cion como fraudulento. Por lo menos 1 otro persona a fayece den e manifestacion cu a bini despues di e eleccion. E pais, cual ta consisti di un archipelago di isla na costa di Africa, a experiencia mas di un decena di golpe de estado of intento di esaki desde su independencia di Francia den 1975.

Assoumani, di 65 aña, ta un ex oficial militar cu a subi na poder prome den un golpe de estado na 1999. El a fungi como president prome for di 2002 pa 2006 y a keda reelegi atrobe den 2016.

E tabata e lider desde e tempo aki y a extende su presidencia na un di 4 termino e aña aki despues di cambia e constitucion pa kita e limitenan di termino y aboli un sistema cu ta mira e presidencia rotativo entre e 3 islanan principal di Comoros. El a ser acusa di tuma accion contra rebelde nan y prohibi manifestacionnan pasivo.

Congo: 37 persona cu a participa den intento di golpi di estado condena na morto

(AP) — Un corte militar na Republica Democratico di Congo diabierna ultimo a dicta sentencia di morto na 37 persona, incluyendo tres Mericano, despues di a haya nan culpabel di a participa den un intento di golpi di estado.

E acusadonan, cu tambe a inclui un Britanico, un Belga, un Canades y varios Congoles, por apela e veredicto riba acusacionnan incluyendo terrorismo, asesinato y asociacion criminal. Diescuater persona a keda absolve den e huicio, cu a cuminsa na juni.

Seis persona a muri durante e intento fracasa di golpi di estado lidera pa e figura poco conoci di oposicion Christian Malanga na mei, cu a dirigi riba e palacio presidencial y un aliado di presidente Felix



Tshisekedi. Malanga a ser tira fatalmente mientras e tabata resisti aresto djis despues di a transmiti e atake riba su medionan social, segun e ehercito di Congo.

Malanga su yiu homber, Marcel Malanga, di 21 aña, un ciudadano Mericano y dos otro Mericano a keda condena pa e atake. Su mama, Brittney Sawyer, a bisa cu su yiu ta inocente y tabata sim-

plemente sigui su tata, kende tabata considera su mes presidente di un gobierno den exilio.

E otro Mericanonan tabata Tyler Thompson Jr. ken a bula pa Africa for di Utah cu e hoben Malanga pa loke su famia tabata kere tabata un vakantie y Benjamin Reuben Zalman-Polun, di 36 aña, ken segun informe tabata conoce Christian Malanga a traves di



un compania di mina di oro.

E lectura di e veredicto y sentencia dilanti di e corte militar na aire liber a ser transmiti en bibo riba television. Luna pasa, fiscal militar Lt. Coronel Innocent Radjabu a pidi huesnan pa sentencia tur e acusado na morto cu

excepcion di un cu ta sufri di “problemanan psicologico.”

Mas tempran e aña aki, Congo a reinstala e castigo di morto, kitando un moratorio di mas cu dos decada, mientras autoridadnan ta lucha pa stop violencia y atakenan extremista den e pais.

Por lo menos 8 persona a muri purbando di crusa Canal Ingles for di Francia

(AFP) – Por lo menos 8 persona a muri ora nan tabata purba crusa e Canal Ingles for di nort di Francia, segun autoridadnan maritimo Frances a bisa ayera diadomingo.

E incidente a sucede prome cu 12or di anochi di diasabra, ora autoridadnan a wak un barco cu un grupo di hende a bordo y cu nan tabatin problemanan cerca di un beach na localidad di Ambleteuse.

A manda un franco Frances pa e rescate, e cual no por ofrece asistencia na lama. Un bes e barco a yega na beach, servicionan di emergencia a duna atencion medico na 53 migrante na e luga, segun un rapport di autoridadnan maritimo Frances responsabel di e canal y e costa nort.

“Maske a duna atencion medico, ocho persona a muri,” e comunicado a indica. No a haya mas persona durante e buskeda na lama, segun tambe a agrega.

Seis persona a ser hiba na hospitalnan pa “emergencia relativo,” incluyendo un baby di 10 luna, Jacques Billant, prefecto de Pas-de-Calais a indica ayera diadomingo na medionan Frances. E sobreviviente di e accidente tabata di Eritrea, Sudan, Siria, Af-



ganistan, Egipto e Iran.

E boto inflabel, den cual 59 persona tabata biaha, a sali for di e beach cercano na localidad di Vimont y a kibra momentonan despues, segun e prefecto. “E boto a keda destrosa den e piedranan,” a agrega.

Cincuentiun sobreviviente a ser hiba na refugio di e ciudad di Toulouse, segun autoridadnan local. Fiscalia na Boulogne-sur-mer a habri un investigacion tocante loke a sucede.

E incidente a tuma luga dos

siman despues cu un barco cu tabata hiba migrantenan a kibra na Canal Ingles ora tabata purba yega na Reino Uni for di nort di Francia. Varios persona a cay den lama di e ruta peligroso aki y 12 di nan a muri, segun autoridadnan.

Autoridadnan Britanico mesora a expresa nan tristesa pa otro incidente na Canal Ingles.

“Ta algo espantoso,” secretario di Exterior, David Lammy a bisa na BBC unda tambe a agrega cu “atrobe, hendenan a perde nan bida.”

Gobierno nobo di Partido

Laborista a priminti combati gangnan criminal cu ta maneha e trafico di migrantenan y a papia cu su socionan Europeo tocante “con nos ta persigui e gangnan aki, den cooperacion,” na diferente rutan migratorio.

Leynan di asilo cada biaha ta mas stricto na Europa, e xenofobia ta sigui crece y e trato hostile na migrantenan a duna un push pa nan bay nort. Por lo menos 46 migrante a muri purbando di crusa pa Reino Uni e aña aki, segun Billant, prefecto de Pas-de-Calais a bisa.

Guardacosta y barconan di Armada Frances diasabra ultimo a rescata 200 persona di e awanan peligroso di Pas-de-Calais, segun autoridadnan maritimo Frances encarga cu Lama di Nort di Canal Ingles.

Tabatin otro operacion di vigilancia y rescate ayera diadomingo den mesun luga, cu condicionnan di tormenta y lama bruto, segun autoridadnan a señala. Nan a adverti di “riersgonan significativo” pa cualkier cu lo purba crusa e canal cu barconan debil y cu hopi carga, constantemente e condicionnan meteorologico ta complica.